

泉州府志卷之六十

篤行

明篤行四

諸葛希孟

黃鐘聲

陳足

蘇商霖

林晃

顏猷

李暹祥

柯香

黃維瓊

陳士欽

傅爾鰲

李仲春

泉州府志

卷之六十

明篤行

一

留汝亮

周國賓

王墀京

黃懷

林宗濂

林豫宗

茂先

王居毅

王承標

黃逢春

陳正鉉

莊天夔

陳安

陳珊

黃喬石

陳霖

陳圻

蔣懷忠

蘇思義

吳達一

郭榜

蘇震亨

池浴沂

王三聘

陳廷佐

蔡祚

洪守愚

杜應碩

史繼蕃

林光肇

陳有斐

曾守吾

梁大磐

楊士仁

洪啓夏

李正培

曾可傳

泉州府志

卷之六十

明篤行

二

諸葛希孟字毅之號守吾晉江人少食貧與兄貸富人金  
浮海爲生卒大困富人操子母來算先世遺產殆盡乃  
入府爲椽太守童漢臣謂其質行不可及文學足相資  
雅推重之旣遷秩強與偕行辭曰小人有母遂不能強  
圖其像與自像共爲一幅而去未幾棄椽奉母菽水盡  
歡處從兄弟與從兄弟之子甘苦與共有無相通卽數  
百金恣其出入第受成紙上外及姻婭知交咸倚爲外  
府與人若棄假人若忘晚值倭難家復落凡素受其德  
者絕不一過謁與一二故舊斗酒相勞恬如也子應科

黃鐘聲字有元號鳴南南安人爲郡諸生方四歲時羣兒嬉逐鐘聲獨設至聖先師位拜跪揖讓如禮人咸異之九歲能文十三歲入郡城就師紫雲寺初受易棄去習毛詩十六歲始習戴記旁搜羣摭章分節解脉絡貫通成一家言前集四百餘帙後集幾二千帙皆手書厭時義靡弱爲文一本宋箋飾以古文詞元思入妙字宗趙米詩倣初唐卓然有聲年二十府試及入庠皆第一自是累試前矛補餼省辟屢薦幾遇復厄辛酉報罷後走

泉州府志

卷之六十

明篤行

三

謁太守程秀民於他郡途中染病歸家不數日卒年三十四屆貢期五年耳鍾聲性至孝戊午母逃寇山莊冒疾聞信簞笠狂奔暴雨中三十里渡無舟涉水濡首幾溺者再攜醫扶藥凡三往返遣妹撤妻奩資之父豪於遊屨常滿鐘聲以廩入供帳無稍缺族有閒地受勢家所漁爲白於官歸之其行誼皆卓卓可紀云子鼎象萬歷乙酉舉人南雄通判孫啓漸順治甲午舉人固始知

縣

節黃調  
吾狀

陳足字世裕號約齋晉江安平人天性孝友襄父母大事

獨任勞勩與四昆二弟處推肥擇瘠無閒言弟有業儒者楮毫膏燭俱於足取辦居家衣褐茹糲不知人世紛華里中恂恂遇豪少年輒引匿人自愧屈諸昆季與同里龔氏有遺言將尋戈矛龔爲足妻黨人咸爲咋舌足談笑以紓龔涕泣道諸昆季不踰晷而兩家難解歲大侵有橐金來糴者遺金其舍顧疑他肆匿之紛呶竟日足俯視舍中有金亟追還之亡金者得故物而他肆免匿金之疑兩俱踰地拜謝鄉人傳之年四十九卒李叔元爲銘其墓曾孫應春萬歷癸卯舉人庚戌進士戶部

泉州府志

卷之六十

明篤行

四

主事歷雲南副使

節李鹿巢文集

蘇商霖字德說號少泉同安人宋魏公頌之後幼失怙奉祖父撫幼弟發憤其業弱冠爲諸生逡巡矩矱大義凜然讀書好觀大意生平極慕伍員諸葛亮謂二人所處極難耳又曰凡人立志宜高中夜嘗把古人好事思量一番心便軒豁如堯舜禪受何等氣象一以天下與人一以匹夫受天下更有何物掛碍胸中念到此便覺灑然素履儉約一裘十餘年絕不經意錙銖性孝友居祖父母父母喪哀毀幾絕諱日必號慟季弟訃自粵走數

千里歸其櫬仲弟歿僅遺藐孫偶邁危疾涕泣籲天願以己子代卒無恙持先世積行請督學入邑志郡守朱炳如爲紀世行大書鏤之邑人榮焉族祠燬倡首更新未竣工而歿年五十八孫國翰萬歷丙午舉人吉安同

知節清白  
堂稿

林晃字道昭號靜軒同安人牧子生而持重慧與年進父挈眷避流賊山中獨留晃守舍露宿水滄中濕得瘧疾醫弗効築軒居之署曰靜終身無機事卮詞事父母無怠每失意大詬予杖拜受無忤容友于仲弟翁耽無閒

泉州府志

卷之六十

明篤行

五

田產取礲确者僮指服物器用取贏敝者曰吾安而習也剛直好面折人過人知其無他皆諒之初有田十畝坐食漸耗家四壁立行一杖坐臥一榻榻爲穿無困苦意時掉臂獨吟聲出金石有欺侮者不與較年六十卒

子一柱萬歷庚戌進士歷官御史

節遜菴集

顏猷字道謀號靜山晉江安平人幼喪父哀毀如成人旣長受室食貧乃持籌于比齊南粵以其餘供母及諸昆迨母兄繼沒喪往贍居獨力支撐家計旣饒鍵橐不復出慕金陵風景攜筇一遊歸課子儒業與田夫野老談

桑麻自適里中貧待饑喪待殯緩急待濟者皆愜意去漳人某嘗貸猷三百金已還而券猶在其子不知某歿猷徃吊其子以爲索償來也告以故且還其券族人謀拓祠堂碍其居而難於言猷慨然捐居室以成之年七

十六卒

干節河集

李暹祥字崇卿號纘序少名元祥字體卿以入太學改今名晉江人叅政熙子少讀書不敏於誦一笥腹中終身不忘性厭繁華見羣兒服紉綺者唾之单衣大布自適也兒捕雀相投輒放去曰樂生惡死凡物皆然吾故不

泉州府志

卷之六十

明篤行

六

忍殺奈何羈樊中八歲父成進士讀書中秘暹祥益發憤力學及父擢兵科給事隨之京邸捷戶洛誦而已旣而父丞南豐令寧國曹留都宦轍所至俱與偕殫精治舉業復賈其餘勇代父典掌記語戶內錢穀米鹽出納委輸無不經手迨父出守高州不復之官節約纖悉毫不妄費家書闕白未嘗以盈縮請父卒於河源擗踊赴之輿櫬歸三年哭泣如禮檢遺篋及贈賻計二千金悉奉母與二弟已不取贏晚事母益謹甘旨之供竭力應之親友告急未嘗以無爲解屢試有司不利乃入成均

友天下士父遺書及生平撰著收藏以訓子孫一切書畫器玩難得之貨皆所不儲中年喜作詩酒不能一斗醉後高歌譚說祖先往事泣數行下年未及壽而卒

景節

集璧

柯香字孚蘭號治宇晉江安平人少與妹夫蘇濬同學濬自謂天資不若香學成不售乃棄去守舊室遺田孝親愛弟聞人困乏隨力施與遇拂逆事情恕理遣絕無不平見於顏面口無滄訛心無町畦無所攬挾亦無所矐厚生平足不窺園不問米鹽不曉握算抱璞守真老而

泉州府志

卷之六十

明篤行

七

彌邵郡大夫禮以賓筵謝弗往錫以弁帶謝弗服或強其一服輒匱之曰不如角中布袍爲適也蓋老氏所謂常德不離復歸於嬰兒者年七十一無疾而卒容貌如

生若尸解羽化焉

景節集 河干集 參 景璧

黃維瓊字俞瓊號敬堂晉江安平人祖及父客死於粵間闕扶柩歸葬養母撫弟拮据辛勤割橐中及田充曾祖祀事與繼曾祖母饗殮又推以贍其伯父及孤姪素負幹濟才凡族中大祭大喪大燕饗以及貧當賑孤當卹患難當排悉推瓊爲經紀卽里中諸事亦倚辦脩城以

建鎮館皆與其役脩西塔建神山觀則維瓊獨主之他以緩急扣門者未嘗以事諉焉

于節河集

陳士欽字敬甫號懷芹晉江安平人少習舉子業及冠父歿毀瘠幾不自存事母曲意承歡歿居喪如喪父弟復蚤夭獨肩家計學業就荒時當兵燹田廬邱墟祠宇亦燬衆苦力詘士欽曰營室先廟禮也鳩族拮据成之廟貌一新生平處約守雌無機心機事迨意有所適則不計有無中有不平衝口而出無所忌諱人亦諒其無他晚年與里閭舊好爲真率會叱嗟肴簞拍浮酩酊至篤

泉州府志

卷之六十

明篤行

八

老猶能蹒跚劇戲場中如嬰兒狀其任性無町畦人比之無懷葛天氏卒年八十有一

于節河集

傅爾鰲字孟驂號瑞超晉江人雲南副使道唯子生四彌月偶曬席庭中席忽飛騰入雲兩鳶隨之而風日顧恬霽人謂瑞徵稍長魁梧邁爽質頗魯而篤志力學弱冠爲諸生才鋒颯起課子每至忘寢乙卯與子元初同應試子獲雋戊辰成進士而已卒不售乃謝青衿受封時父尙無恙三世袍笏焜燿一堂子爲浮梁令勗以潔己愛民奉父觀察與諸封君爲翼祺社會構小樓曰築巘



入奉溫清出娛文史作萊子嬉怡然也父卒未幾而爾鰲亦歿年甫六十爾鰲至性純篤當父令崇寧時四壁蕭然家遭母喪卽衾綈不能辦從祖伯求櫬未許一慟仆地祖伯憐而聽之所作有癡隱子又有翼祺社序語多可垂節敬日草

李仲春字順紀號益泉本晉江儒林里人父贅于惠安楊姓遂家焉少習舉業以兄沒親老乃事計莢廉本薄取以供菽水父歿事母益謹宗族稱孝行樸而愿口訥而鈍居家教子本之祖訓依于長厚接人坦白然諾罔欺

泉州府志

卷之六十

明篤行

九

不以機智阱人人亦不忍給之橐無餘金時赴人急前後四子各授本業諸婦化之合居共爨雍睦無閒次子天婦矢志寡守仲春病叔子割股療之婦以節著子以孝稱皆其教也景璧集

留汝亮字以均號宜區晉江人湛然次子少喪父母追遠之孝思嗜思語春秋霜露不輟於悲爲諸生儉質自持下帷力學汲汲守成業以期紹述先人旣久困則懼家聲隕墜益治產業課子篝燈夜讀不少懈及子登賢書卒於京汝亮痛子情切悒悒成疾遂以不起太史鄭之

元爲銘其墓子景星萬歷乙卯舉人節克薪堂文集

周國賓字慎德同安人幼好學既壯能文名家子爭避席國賓益槌戶揣摩遜志取友顧數奇不能博一衿爲人孝友沉靜內行醇備與人交篤而有終課授有師法負墻者沒齒佩服不衰里豪伉自恣者獨畏其知得其微言砉然以解恥因人熱恥襲人潤蓋視利若浼者年四十五卒以子爾發貴贈文林郎濬縣知縣爾發萬歷庚戌進士歷官南京兆丞節遜菴全集

王墀京字學陶號我甄晉江人祖良柱進士官工部郎中  
泉州府志 卷之六十 明篤行 十

父熊淮府典寶墀京韶幼能文十二首童子試時丈量議起吏胥上下其手以所匿米歸焉墀京謁主者因奇其文爲豁浮糧七十餘畝十七爲諸生旋餼于庠諸督學試無不一當什伍而棘闈常不利名愈高交遊愈衆蕭然煩費家人產槩不一問祖父中替訐訟交至墀京毅然當之莫敢怯視者年三十六卒子之驥萬歷乙卯

舉人節克薪堂文集

黃懷號東源晉江人徙同安贅安平復卜宅郡城少警敏下筆千言長益竭力探討爲諸生不問家人產先世產

業悉付伯兄而時仰給焉兄慮日久生得失令籍阡陌稽歲入懷曰先人啓山林兄爲政蓄經籍弟爲政既有成命奈何渝之兄感其言自是不復議析箸及兄歿始經理家事川澤林麓之利按籍記之仍時手一編據梧而吟三入棘不利則發諸陳編授其子曰督月課不使嬉一瞬或少懈輒恚不食其子肉袒因母跽謝始釋去性豁達而篤於義念兄終去故里而遙迎母氏郡中就養躬執匕箸歷世祖先各置祀田少時同學者十二人通有無同欣感白首如一日郡邑長非公禮未嘗造請

泉州府志

卷之六十

明篤行

十一

明府倪公嘗以一渡艇致之却不受居恒戒其子曰治生莫若嗇嗇以經度度則不愆嗇以怡神神則不耗不嗇必濫費濫費必兼取身之斧斤政之蝨賊從茲殖也

子文炳文炤

節三  
餘集

林宗濂字靜夫號寄崕晉江人南海丞懋暉孫文學福子初就塾輒成誦耽詩古文辭所酬答出於天籟若程矩矱不類唐以後語父不知也一日手其札大驚曰吾有兒何自失之長肩家政自饗殮喪葬不以問二昆撫兄子如子遇人窮困傾囊弗惜人有不平銳身赴之值顯

貴人夷然不就或寒峻若童稚僕圉輸寫腎腸霏霏也  
好客喜談尤酷嗜奕雖急遽中邀以奕未嘗不應晚健  
匕箸康步履年七十四適中秋寺刹張燈猶梯上數百  
武循頂出於寶蓋遙矚久之觀者嘆其軒舉卒年七十  
八子庭雲萬歷戊戌進士戶部主事節藏稿 雲臺  
林豫宗字和仲號宅西晉江人性之孫尙新子父嘗過督  
其長兄豫宗每爲兄分榜見父怒甚權爲護走母善慈  
不敢逆夫意私涕泣減饗殮豫宗外承父顏內譬其母  
不爲疢瘡狀有醫人起祖母疾於瀕危父感之終身豫

泉州府志

卷之六十

明篤行

十二

宗卽以丈人行事之祖母愛少女若壻女没壻之子家  
已落豫宗聘其女以配己子伯仲兄蚤世愛教兄子若  
己子有妹適鄧將軍妹死於宦邸度訃將至母且慟絕  
預迎諸姑歸使設說寬譬紓其哀凡先世祖墓廢墜迷  
沒者必脩治尋求如意乃快父墳患蟻水傷心至嘔血  
病殆厝無害乃已祖之宦也先置族義田後欲爲父秋  
江公置祭田力不逮豫宗告從兄五河令請割義田數  
畝爲祭田兄不可曰非先命也於是別圖埭田海蕩爲  
祭田終以薄爲歉使其子茂先至五河謀之茂先至真

州而卒從兄乃割俸充秋江祭田以竟其志○茂先字敬冲篤孝勇義五河之行告其婦曰有離憂也吾不樂往婦曰盍辭諸茂先曰父命也以死誰對忽忽跋履饑渴衣襖之不時卒如其言訃聞豫宗曰悲哉吾子也令吾子有求於五河亦曰夫夫有子無所衣食使餬其口於四方而今所使五河爲父命也爲吾祖之祭田也吾使子無所不往可謂盡心竭力不避艱險矣叙其平生作文誄之

王居毅字近甫號宏所晉江人七歲而孤受母荻教以孝

泉州府志

卷之六十

明篤行

十三

謹聞遺宅三擇處其敝者嘗以事走二百里心動馳歸母病歿已就殮以不及視含慟且仆旣視木弗美頭觸血議易殮或沮以不利生者居毅請以身當卒得美材易之居喪毀瘠深墨感動路人性慷慨好施有負債而病者人爭取其貨居毅躬問疾取券焚之弟之子沮於繼母不能婚爲代出聘幣成其禮族中有詬誶者片言立解至有相戒不令知者死喪之威匍匐救之雖風雨晦明不辭遇父母忌日唏噓泣下如孺子居家雖盛暑不脫冠幘課子孫讀書手錄口授不倦孫命岳

節恥躬堂文集

王承標字世表號因可晉江人七歲而孤事繼母盡孝有從兄某不得於繼母常出宿荒寺數日夜衣履狼狽承標重袍懷冠履服之攜歸代謝其繼母如是者數四不厭弱冠發憤力學精治易經旁及諸經子史復游覽孫吳諸書於行兵機權妙用悉爲點次評解旣得林龍江三教集心喜之因叅楞嚴圓覺諸內教恍然有得遂素食終其身所著有四書易經得一集子命岳節恥躬堂文集

黃逢春字以仁號體吾晉江安平人爲諸生有聲鬢序不問生產家業日落事父母孝謹不怠子育秀孫虞典相

泉州府志

卷之六十

明篤行

十四

繼治生家漸裕逢春屢試不售乃杜門息機時手一編課孫子足不出里閭無紛華之嗜無柔曼之容食取其淡衣取其麤自居貧以至饒足終身不改子孫奉鮮腆進之弗御也曰吾從吾所好耳郡邑延以鄉賓辭不就曰吾焉能爲此拘拘者且章服何益吾生哉年九十六

卒人比之馬少游

節河于集

陳正鉉字敦鼎號吉所晉江人少負穎以鉛塹自任下帷攻苦文出爲同社所推而數奇不能博一衿家故頗饒後遭水災稍落又不能治生遂至四壁立舌耕佐家孝

事父母隨力供甘旨歲時伏臘惟謹迨執親喪隨分盡禮務殫厥心善事伯叔父下氣怡顏佐諸姑粧具百凡周悉與人交不負然諾肝胆盡披後其子以賈致羸得受養者若干年沒而莊際昌爲銘其墓

節霞棲藏藁

莊天夔字慄夫號肖陶晉江人業陶供親侍瀝終夕無倦容事繼母盧盡孝委曲順承期無失父歡有女弟適林早寡而貧歿爲歸其骨而嫁其孤女先是倭亂伯兄爲流寇所獲天夔直抵賊壘尋之是時身幾殆後賊稍懈千防始與兄俱從閒道歸清丈役興均清源茶畝時彭

泉州府志

卷之六十

明篤行

十五

令君議以茶百株定產一畝衆莫敢發言天夔獨力陳非萬株不可彭大怒天夔爭之強云如是則茗英盡戈矛矣卒從其議郡東比城濠儲水衛城備不虞故事歲旱得引河水溉田豪勢家占以蓄魚閉不使通千畝如焦天夔請於令通渠作水門時其蓄洩民利賴焉有里中豪求婚于姚某姚弗許豪怒之會姚有婦自溺水死豪遂嗾婦家攻姚並誣子以殺母圖賴罪附會成獄天夔爲訟言其寃狀始得脫以子欽鄰貴得封深自遜匿郡大夫造門不得見而里中人向與爭田者則與之交

好無閒歿後北山父老請李光縉爲闡幽德勒之第一

峰以寄峴山之涕

採景  
壁集

陳安字叔勉號秀林晉江人父曾涪州州判善徑尺書安萬歷初應歲貢授靖江訓導遭外艱復除祁州遷尤溪學諭台州學授國子典籍乞休歸安事親至孝事二伯兄如父執喪水漿不入口者三日饘粥者三月斷暈酒者三年筠簪布袍履襪穿決生平如一日至其折節爲恭謹傴僂循墻若措躬無地者友人趙生陷倭難被質捐貲贖之趙生力營償金辭弗受隣有少年酗酒踣其

泉州府志

卷之六十

明篤行

十六

廬兒幾殆徐諭之曰若以後母使酒其人顏汗心折居庭惡聲不及犬馬而戒飭子姓嚴於朝典四爲師儒官肅範章軌標表諸士而於台陶鑄尤多台人肖像生祠之又祀名宦子鳴華萬歷丙戌進士官叅政

舊志  
叅閩書

陳珊字子珍號斗巖南安衝斗人幼孝謹值倭亂田廬盡燬業空產存父母繼歿諸兄去之他所珊慨然曰如皆去誰守宗社獨力支撐耐貧忍苦旣受室就外翁顏猷居資其橐以給猷有所委任精敏立辦臨財不私嘗於郡城水鎮寺得遺金坐待信宿還之其人問姓名不以



告猷益相倚重盡出其橐恣所游歷吳粵齊魯粵嶠其  
羸皆倍猷以此益饒而珊亦遂雄於貲乃爲父母襄葬  
事推所有以贍兄及叔內外戚之貧者無不舉火建衝  
斗宗祠脩高祖宗俊所建天竺寺然後乃營居室次第  
告成年五十九卒左史顏魁槐爲述其行誼

河干集參  
景璧集

黃喬石南安人性篤孝父喜放逸好賓友喬石必豐具以  
待時蒙譴呵長跪以請得解而後已以父病遂輟舉子  
業究心岐黃父獲壽考又推及其餘貧病者藉以存活

泉州府志

卷之六十

明篤行

十七

甚多尤精步算法萬歷初隣邑編丈未清者因請其法  
以竣事子夢松天啓壬戌成進士授戶部主事督計潞  
河貽書曰吾居恆以不及宏濟爲恨爾必勉之逮守寧  
國復貽書曰郡守于事最繁于民最親非若尚書郎可  
爲優游藏拙也爾必爲百姓造福旋晉封中憲大夫歿  
而里請特祀焉

南安志

陳霖惠安人幼有志操父失怙爲嫡兄弟所制分產獨縮  
且數發難端困之官幾負詘霖甫總角投袂歷階而上  
具陳見壓於嫡狀讞者爲太息淚下然產目此日落依

於外表家給直常後期輟炊者屢遂辭歸射時居積不數年以饒徙家塔山未幾島夷內訌田廬盡蕪時倭掠輞川積骸盈野兄被掠索金榜箠幾死霖貸數十金往贖陷伏中幾嬰白刃賊酋義之得免倭平徙鼓山之東距塔山不數武里豪每求多堙圳塞源率亡賴伐門登屋避之或謂彼豪何厭之有不如蚤從事焉霖曰彼主我羈長木之摧無不標也何如以語難格鬪之力退而力本勤生以質造金矢之費轉而延師教子益攻苦居積視昔更倍及子登第令吉水兩至署問治狀卽趣歸

九十與諸父老盡歡仍取褐衣服之生平不飾邊幅心口如一事關義舉赴湯冒鎬不辭族黨重之子玉輝萬歷辛丑進士歷官御史

節適齋鑑鬚集

陳圻字士會惠安人煒子孝友勤脩門內肅然歲被倭大侵圻捐粟賑貸焚券不責償賴以全活者甚衆里有詬爭恥至其前人方之太邱子鶚舉人孫濂按察使以廣

東叅政任內贈圻如其官

惠安志

蔣懷忠字靖節號誨齋同安人天性篤摯值倭寇海濱扶父竄匿禾山父病亟倉卒無殯具晝夜號哭哀感其隣

泉州府志

卷之六十

明篤行

十九

人潘爲冒風濤越海購材佐殮喪母哀亦如之庶祖母無出婉曲承事得其歡心弟嗜酒天歿遺孤三俱穉撫之如己子而其二同日溺海又撫其孤之孤粒粟寸布計入均賦嘗以悻直爲不逞齟齬繫於犴狴手尙書一編諷誦弗輟未幾繫解而慷慨尙義不少衰及子登第命建祖祠葺先塋值災侵告糶於廣以贍族婚喪不能舉者助之又推其餘以逮里人郡邑重其德行禮請爲鄉飲正賓子芳鏞

節河干集

蘇思義字文所同安人幼讀書就童試未冠喪父事母篤

孝愛二妹爲捐產治裝及二子爲諸生乃輟舉子業專務爲詩與名公結社倡和陶然自適家近市時出坐肆閒閱熙攘來往人盡愛敬卽有侮者遜謝不與較邑令延鄉賓辭不就年八十六卒

節清白  
堂稿

吳達一字本愚號仁齋同安人西安令德范孫六歲而孤出撫父柩入戀母側哭泣拜稽一如成人吊者奇之自是母子煢煢相依母躬訓課之坐立句讀一一稟承不敢少踰以嬉旣除服聘林希元孫女希元置之塾周旋舉止不失尺寸時與共讀較鈍敏弱冠成婚學日勤日

泉州府志

卷之六十

明篤行

二十

益五應試不遇始謝儒業內行純篤事母婉愉或遇盛怒多方勸解至鬚髮斑白猶時向床前長跪忍飢耐寒盤餐之費日可一錢至祖父諱晨則不吝市醲擊鮮生平讀書課子杜門處惇無凌厲之氣矜飾之詞媮衣美食之奉學博將舉大賓遜謝未遑年六十九卒

節清白  
堂稿

郭榜字廷聘號穎台同安人爲諸生淹貫六籍而嫻于禮容周折曲中尤精於易爲諸生祭酒性真愷不問家人產產益落一蔬一褐淡如也及子貴乃謝諸生受封然猶着布素從一奚奴無少長折節下之見里中蒼頭兒

則喜而摩其頂邑令延爲鄉飲大賓辭不獲而後應子  
夢得嘉靖壬戌進士瓊州知府姪日烜萬歷己丑進士

嘉定知州節清白  
堂稿

蘇震亨字君仁以字行一字君鼎號新郭同安人生有穎  
質九歲能文弱冠以儒科第二人應省闈自是聯占高  
等名大噪試屢蹶而閉戶下帷不少挫業亦愈工性豁  
達不問家人產遇物坦夷無疾言遽色居家孝友父歿  
析箸二弟以居長指繁多分之震亨念仲弟天絕父命  
輪祀恐其久而湮也乃以次子爲仲弟後而剖己之分

泉州府志

卷之六十 明篤行

二十一

業授之二弟議更析曰無庸也吾所受已多第令死者  
不替足矣何累弟爲家居苦小偷嘗一白之捕有禁囚  
認識所剝窓門手列數盜以報震亨叱曰老牢頭將無  
藉以快讐覓利乎遂已之及子遊泮乃罷諸生嘆曰科  
第命也吾不偶無恨獨恨負諸名公知己耳居恒以名  
文法帖自娛尤善古文詞詩賦歌行各窮其致書法出  
入顏蘇求者屢滿邑令洪世俊嘗請額五門南朱紫東  
鴻漸北拱秀西豐澤朝元手澤猶新年六十卒子國翰  
萬歷丙午舉人任浦江令陞吉安同知以浦江任內報

最贈文如其官

節清白  
堂稿

池浴沂字士潔號三洲同安人爲諸生試輒高等既遊國學有聲故事上舍歷滿授簿丞及州郡倅浴沂不屑就而歸延師教子性爽塏不逐錐刀時與知友引觴唱和以是非曲直質者片言立解親屬來謁必詢其甘苦或周其不給無少吝嗇租稅之入或後時或乞免亦曲體量給之年近九十精神愈健邑令延鄉賓不赴乃顏其堂曰熙朝人瑞卒年九十三子顯兗癸卯舉人官同知

節清白  
堂稿

泉州府志

卷之六十

明篤行

二十二

王三聘字允覺號莘野同安人三接弟生而丰神英拔弱冠爲諸生嘗與蘇濬相切劘學益進事親孝遭二喪哀毀如禮倭亂後兄寄櫬劉營數奔護無所避功叔溺死爲扶屍視其含殮嘗省試至橫路遇漂屍捐貲瘞之其陰所折券周人之急不可勝數督學豐城徐公行學官舉優行不得依故事邑博吳炳思以三聘應時慶得人年五十八卒姪道顯萬歷癸未進士湖廣按察使

節清白  
堂稿

陳廷佐字時守號仰台同安人爲諸生試皆高等省闈不

利益下帷攻苦篝燈丙夜雖盛暑隆寒不輟於文好史  
遷賈傳於詩好杜尤精易學合蔡陳林諸講義叅伍融  
洽窺其奧竅閒以意發所未發蔣芳鏞陳如松李雍皆  
執經焉課子維嚴寢食不廢及子基虞成進士乃謝罷  
諸生就封南雄府推官晉封南大理事評事中憲大夫  
順德知府邑令九延大賓閒一再赴其感觸時事多發  
之于詩與知友結社探韻積成卷帙性質直坦夷絕無  
睚眦處父母兄弟有至性嘗就外館忽心動渡海歸值  
父歿護侍含殮人謂純孝之報其居母喪年已及耆猶

泉州府志

卷之六十

明篤行

二十三

苦塊哀毀如父喪二弟早卒經理其後事復撫其孤族  
子弟秀者獎掖之弱者扶植之心存濟物捐貲脩造便  
步橋歲掩骼施榼以數十計疾疫盛行爲糜以食餓者  
平居乏聲色之好衣取布素器用刑敝無雜賓無幹僕  
青編相對一榻蕭然篤學恬脩君子也年七十有七卒

同安志叅  
清白堂稿

蔡祚字元貴號寄南同安人父廢疾祚鬻蔬菓爲生竭致  
甘旨浣滌扶掖不稍離里中有大繇役皆請祚任之得  
其資無自肥以施人邑有寇警攜子女匿山谷中分餉

與同匿兒相顧恤既稍羸結客餉師無虛日鄉鄰有忿  
爭及爲胥役所苦輒致至家杯酒解釋之儒術方伎匠  
作至鄉無不接欸種秫爲酒畜雞豚種蔬果預購海錯  
祭祀賓客應之裕如鄉染疫其妻亦病昏暮見羣厲擁  
入求福妻曰俟夫歸福爾矣言未既有角巾白衣從後  
呼曰誤矣此善人家宜亟去於是羣厲皆去如煙縷穿  
屋上走如裂帛聲其訓子鍾有曰世閒惟下人最不可  
爲何謂下人無廉恥者是若無所表見乃村人耳又曰  
吾觀爲官者官已官耳未有官民官者夫以一人受億

泉州府志

卷之六十

明篤行

二十四

萬人之敬奉不能爲民造福斯已矣又殃而禍之寧得  
爲有人心乎又曰子孫能讀書則爲士否則農耳慎無  
爲胥吏胥吏者絕人與天者也又曰出責之家權子母  
計奇贏惟日不足人且睨其後終必貧窮以故鍾有令  
興國遷分水直心古道復能其官皆祚之教云

集璧

參景

洪守愚字爾睿號明吾晉江人父蚤喪母鞠之成兄弟三  
人守愚其仲也幼習母訓遜志鼓篋而不能咕囁爲千  
世資惟孝弟忠信四字被服而飲食之每戴星詢慈顏



無恙日董臧獲峙錢罇漑稌菽以佐豆匕出則隨兄課  
征輸爲公旬計入則篝燈問弟經史課程槿闥以內和  
氣充斥田氏兄弟不是過也絕去機智以胥庭自待亦  
以胥庭待人里中有持券來質者家故無餘錙鬻沃壤  
應之其人卒負逋守愚曾不介意咸稱爲長者節三  
餘集

杜應碩字寬甫晉江人幼有至性父陷賊壘顛天請代鬻  
金幣爲出之泣血數絕事母孝謹備至歲時祀先必致  
豐腆家有大繇役身爲主辦值困厄死喪不難濟麥舟  
而割黃壤自任家督而以讀書責二弟皆克有成年二

南昌知府應頎舉鄉貢香山主簿子三其二爲諸生

泉州府志

卷之六十

明篤行

二十五

史繼蕃字世植號植齋晉江人四歲失母六歲喪父依兄  
繼茂爲命稍跬離輒呱呱泣或譙呵逡巡維謹比長爲  
諸生家政耑屬於兄數百十指不分爨閒佐兄擘畫先  
時消息資用益饒事繼母懇摯執喪如毛裏兄爲上林  
丞歿於官數千里往迎喪歸其孤有雋才不受羈殷勤  
顧復不忍摧折輒溫養以馴其氣將均產則哀其田廬

貨賄籍而中分之聽姪自擇及姪復夭撫其室女及二  
嫠周身之需且睠睠爲立後計友于之誼終身以之丁  
巳大禘厲疫時作發藏穀爲糜以食餓者巨室聞風各  
傾困以賑一時獲濟人咸謂繼蕃倡之頌義不衰年六  
十八卒

節雲臺  
藏稿

林光肇字子開號華宇晉江人雲龍子雲龍宦於外光肇  
在家代父子職侍奉祖父母得其歡心歿殯殮盡禮躬  
治窀穸事母復盡孝承顏色奉甘旨歿哀毀骨立幾以  
身殉自幼力學攻苦博通書籍課子維嚴半武不令出

泉州府志

卷之六十

明篤行

二十六

戶除夕尙課文及子孕昌通籍將迎之官舍光肇曰而  
祖在家飲食服御安能刻離爾立官喫得菜根香何事  
不可爲旣受封益務儉約卽冠袍亦罕御郡邑未嘗投  
一刺見賢豪君子倒屣不遑親舊待舉火者昏暮叩門  
必應待微賤必以禮先世遺產盡推以與弟每戒僮僕  
勿生事有外侮怡然受之里中爲不善者皆恥爲太邱  
所短云所彙有四書人物考簡要詳明又刪定四書兒  
記一部俾初學有所遵守至告子杞柳一章遂絕筆卒

年五十六

節雲臺  
藏稿

陳有斐字爾仰號雙梅晉江人良節子三歲而孤母攜就  
外家養比長復喪母犛疚不自勝值諱日淚泫泫下聞  
摩搔母咎處嗚咽欲絕事二兄拮据佐讀時致甘鮮仲  
兄卒罷杯斝數年拊字遺孤不翅毛裏嘗隨中表江萬  
仞至德慶州任辭歸至羊城同旅病疫傾身治療夜睫  
不交月餘憊甚竟不忍去人以爲難里濱海多颶時沒  
賈人竹木惡少爭攘之急叱止跡其主擁護食飲之古  
剝壤或攫其木石有斐曰向檀施者誰而忍攫爲卽難  
復不可歸諸僧衆耶見人急難捐橐助之雖重趼不辭

泉州府志

卷之六十

明篤行

二十七

析箸時僅一餐割以哺隣媪飢卽竈不黔無愠色其教  
子也出父遺書並市古文奇字示之時稱說古版築飯  
牛故事令興起子嘗負薪米冒雨凍濕方入門對竈燎  
衣輒就燎課讀不效憐惜態年五十二卒子龍可天啓

壬戌進士瓊州知府贈父如其官

節敬  
日草

曾守吾字以慎號思石晉江西安里人宋樞密從龍裔孫  
蚤孤而貧束身從賈始客潮有同舍亡百金人人自疑  
約誓神守吾獨不行曰吾自信心頃之同舍金亦得後  
遷粵稍饒好義急人困而獨不能爲德於惡少有偷兒

十餘輩椎埋里中守吾惡之陳於公置之法論城旦惡少矚守吾之粵露刃夜劫燒廬子燬二甥又度其將歸偵行期圖伏戎守吾謾言曰我乃不返從閒還再陳於公斃之敦尙孝友元没子少居屋折於稱貸爲完其負而畀之宅雅慕詩書課子廣致名士閒訓之曰車裘共敝昔何人哉爲貧士德賢於他費其服賈也本之以信行之以斷佐之以智因之以天以處厚爲丈夫以任運爲明達常舍競而多奇中好行其德始終不勸

梁大磐安溪光得里人克家裔孫幼失怙恃長而慷慨樂

泉州府志

卷之六十

明篤行

二十八

義凡親朋有難竭力排解貧窮不能喪葬者出貲助給邑令屢舉鄉賓不受郡人莊際昌爲之贊年八十三卒  
祀忠義

楊士仁字心夫號肖懷晉江人兄弟四人伯叔兄先歿獨仲兄與士仁存九歲遭兵燹父母相繼殞士仁偕兄避賊於鰲城城陷相散失從城上躍而下得不死迨賊平歸家四壁立屬族大賦繁逋賦強半追呼嚴切人人懼匿仲兄及從兄弟不能支撐士仁最少挺身肩之里豪睨其穉嗾猾胥犄之往士仁對邑令陳利弊鑿鑿有條

竟得伸理無害念四喪未窆不遑寧處殫力鳩工至手  
爲龜後以食指繁與兄析箸而兄治書己治稼歲時勞  
勉如未嘗分閒爲從兄營產雖極勞頓不取絲豪潤橐  
每值祖先諱日必走市中自擇鮮毳充匕豆至饌師脩  
脯必極豐腆男女婚嫁罄心力所能爲而止辛勤拮据  
迄老不休其閑家有矩課子義方絕無嘻嘻姑息態處  
鄉閭樸直靡所依附遇非理事慷慨昌言排鬪解紛人  
各厭意去旣沒從姪景辰爲銘其墓

學節楊大士集

洪啓夏字爾圭號及山南安人兄弟四人長次皆嫡出啓

泉州府志

卷之六十

明篤行

二十九

夏與季弟啓琅庶母所生十三歲而孤母子相翼以長  
及伯兄啓孕宦遊事巨細一歸啓夏壬申祖廬火先期  
治畚梲募丁傭冒火道拔父及嫡母柩以出爲諸生後  
入南都省兄口不言勞費旣歸買塾江干與季弟燈火  
切劘操觚鬪勝於舉業審脉察理見宿名之士背矩舞  
智心竊非之己卯後文瀾益翻遂束筆不爲而詩歌序  
記沉欣肆出縉紳名公皆屈首晚遊吳越齊魯登山寫  
性遇物賦形盈笈歸來性剛毅莫能奪值猶子隕亡代  
理家政綜覈疏紀婢僕肅其法亦服其公及伯兄歸視

所籍前後無累黍之差焉

節備言盤輿

李正培字光孝改字哀多號集齋晉江人叔元長子萬歷壬子舉人入上公車不利卒于家年五十正培介潔自守父同年岳爲督學竇爲左轄皆不面謁竇嘗詒叔元書曰鳳鷁有父風非德輝莫下矣浙中郡丞有德叔元者馳函三十金至家通問正培與二弟力卻之且犒其使以計偕侍父浙楚父勞不支囑佐貳代簽判正培不敢預歷過長洲常州舒城皆其年姻所宰守地一停橈而別卽請之亦不再往迨後金盡裘敝每言及稱貸輒

泉州府志

卷之六十

明篤行

三十

羞澁甲戌將謁選計費不貲仍拂袂歸下帷倍苦將爲背城借一之計竟以積勞病肺不起叔元爲文誄之

節李

鹿巢文集

曾可傳字仕清號錦溪晉江人爲善於鄉儂行而人敬之治父窀穸躬親版築居母喪皇皇如失兄弟三人已居長兵燹之後家四壁立起單錐之地拮据治生白手而有餘貲友愛二弟老而不衰撫育女弟推及其甥資之讀書克有成立自待泊如年七十六卒

節克薪堂文集

明篤行五

傅 檄

何一橙

李士振

丁 煒

李霖慰

黃蘭芳

蘇世諧

李正森

蔡仲實

劉 賡

余 楠

莊懋儀

楊南宗

莊原亭

黃尙綱

黃維珪

黃 鑊

顏理學

泉州府志

卷之六十

明 篤行

三十一

黃宗任

陳鳴周

蘇維毅

馮有翼

張賁垣

蔡賢徵

劉廷焜

何喬選

劉天植

何著先

劉世旒

王元卿

莊 獻

洪居正

李宗熹

傅 燦

林宗彥

丁懷可

謝聘

謝宣卿

陳學朱

蔡紹英

史延暉

阮伯宗

林期昌

鄭邦偕

陳履貞

傅履銓

丁 梲

傅檄字寂夫南安人真率廓落自擬彥方有逆施者恬而應之嘗曰我讀書覺求已自反此義終身受用不盡以子貴得受封守雌歛迹一如曩時性博記不忘澹於貨

泉州府志

卷之六十

明篤行

三十二

利視人甘苦如其親嘗子文龍天啓壬戌進士歷官陝

西僉事

南安志

何一橙字德芳號揚庭惠安人少穎慧一覽成誦下筆斐亶有致年十八爲諸生次年值倭患奉父母逃遁山谷備嘗荼苦寇平二親善病調藥餌進匕箸昕夕不離沒殞殮盡禮煢煢一弟督就外傅爲置室卵翼畢周逡巡斥守不面觸人陰私聞詬聲輒扃戶避之至大義所關則投袂而起陡門先世所遺二百餘年狂徒將獻之豪家出而力爭之竟白當道宗祠遭兵燹倡議重新諸子



姓多枿鑿一橙竭力成之其學一以紫陽爲的執經履  
滿方十里內皆高足弟子卒後門人陳玉輝爲之誌適節

適齋鑑  
鬚集

李士振字克發號鍾藍安溪人居湖山耕讀相閒其學之  
專篤至使鬼物爲避通經之餘旁及於詩質樸而有意  
致事父母孝事兄長弟非道不遵非義不爲怯慎如處  
女迨子已成名棄儒巾子爲吳江令一走視之旋歸出  
攜小蒼頭步道中莫知其爲縣令父也嗜書至晚益篤  
卒年六十有四子鳳鳴

泉州府志

卷之六十

明篤行

三十三

丁煒字思晦號碩泉晉江人爲諸生性慤愿事親孝待兄  
弟恭讓喜與賢豪長者交折節傾貲洒掃帳具常恐不  
徧讀書尙沉默探極源委爲文平實雅馴郡中諸名士  
皆傾心無何兄及嫂繼殞慟絕復甦兄遺孤甫週歲煒  
授其生母陳拊之已而孤患痘惡旁皇求醫醫曰毒中  
髓矣非吮盡膿不可活煒入泣告生母陳曰奈何令伯  
兄無後且重傷吾父心陳曰兒無患遂親就吮盛毒膿  
碗中注滿焉捧出示醫錯愕嗟異返視兒則勃勃有生  
氣矣卒以成立復嫁其孤女三人裝遣數百金無吝色

父卜兆域煒請旁穿二壙爲兄嫂之藏曰異日遺孤姪以逸也及父歿凡田產垣舍金帛絲粟皆分贏以授兄遺孤而已取瘠焉重義好施專趨人急辛壬之歲泉中饑粟斛數百緡時有婁士張子甲慕其高義造請焉時日幾入矣徘徊門外久之煒適從門隙窺見遂延入贈金若干與飲謝去他以窮請者隨分調濟未嘗以無解蓋予人若棄假人若忘卽有償者亦若不知然自是家稍落旋遭生母及妻陳繼歿時饑疫頻仍泉貨騰踊殯殮各極腆厚不以時訕稍殺旣免喪續娶莊氏得孕謂

泉州府志

卷之六十

明篤行

三十四

所親曰吾久困諸生株守一堵爲母陳在且未舉子也今妻有娠矣安能跼齷輟下遂鬻產數百金遊太學友天下士祭酒司業試其文擊節拔置高第聲馳都門因前居母喪得心疾至是復發復聞莊氏舉女遂辭歸抵家歲餘竟成沉疴煒先年曾以嗣息禱九鯉見夢曰程嬰輔趙及是莊氏復孕喟然曰病其不起乎遺腹其舉男乎當名武於是召諸姪囑撫孤事遂卒煒卒五月果生男七歲而莊復歿其孤姪竭力拊之以云報也

節景壁集

李霖慰字于用號東濂同安人爲諸生授徒養親規行矩

步不失尺寸讀書一守紫陽傳註爲文以發揮理趣爲工及門多貴顯其貧者不責脰脯也季終上束金於父聽其分與毫不自私與人交吐露肝胆不談人過人亦不忍欺之性恬淡不言勢利邑令高其行誼嘗以兩造就質固讓而徐以理論遣之終不令費一錢有故人宦遊千里外致書招之竟不赴事父母孝待弟友處宗黨能周給生平無嫚容遽色謙下濡忍人稱長者子獻可萬歷癸未進士戶部給事中

節清白  
堂稿

黃蘭芳字時薰號馨齋同安坂漢人少爲蘇紫溪濬所器

泉州府志

卷之六十

明篤行

三十五

顧不甚喜帖括年二十五父弟繼歿撫孤姪持門荼苦乃釋儒業課次子於襁褓中人咸迂之旣而母妻長子俱殞產益落多外侮捷戶授經忍唾安之及子登第次子孤姪相繼爲諸生益淡泊自持絕聲色靡麗戢子弟僮僕無預外事邑長禮請賓筵僅一赴天性孝友不競錐刀父嘗貸息於龍關遺券百餘金悉折其券海塘有魚蜺之利族人衣食其中強隣欲奪之十數載不決族益窘祀田稱貸莫應質私田充之迨事白而族苦懸糧多棄室他徙爲就祭塘中經紀其歲入祀事克脩餘以

佐芻輓及書香筆研資泊阜罔市禁子弟母得爲有族  
藉名索舟人束薪爲給直而詰責族子黠少年脩郟恣  
掠海塘苗蛤適子報登第置不問與人披肝膽事有糾  
紛得其一言立解喜物色知名士多奇中及其人貴顯  
卽不復通一刺子每奉使必問途所經止與游何人節  
郵却饋幾何輒色喜祖姑適謝未婚而烈族叔母陳以  
純節著祀之家廟著爲譜外祖父母弗嗣置田宅令其  
族爲主祀祖姑及姑蚤喪家不能自存爲周恤之他戚  
屬賴以舉火者非一家海氛初熾攜家避山谷間賊相

泉州府志

卷之六十

明篤行

三十六

戒無犯己已撫局再變鳩集勇敢出奇抵禦四鄉賴以  
免患年八十卒子仲曄改名其晟天啓壬戌進士授中  
書歷官御史出爲桂林知府擢南寧道在中書御史任  
內兩封父如其官

節敬  
日草

蘇世諧字孔賡號聲六晉江人爲邑諸生少苦學聞雞卽  
起夜分乃罷寒暑不輟爲文圓警陡健不作靡靡態事  
父母竭力承志每自館入子舍于田于野負擔不弛曰  
吾以分勞也憐愛二弟怡怡無閒從弟孔昭嘗病痢侍  
湯藥彌月夜夢得異藥而療少師事林心竹奉之如父

負笈執爨躬親其役省試至肩橐以從與人交披肝膽重然諾稍不當輒面折遇患苦悉心經營如身當每公正發憤未嘗有所詭避族戚鄉閭重其一言比之季路云莊際昌其受業弟子也

節霞樓藏藁

李正森字光朱號奕季晉江人伯元季子爲諸生幼有至性承歡無忤父教長樂尹楚房刺景州俱隨侍邸中待兄弟鴈行怡怡事其師陳以悌推解周至且爲圖一枝之安生平無疾言遽色羣居宴會竟夕不亂周急賑乏隨意予之無不感嘆年二十九卒

節霞樓藏藁

泉州府志

卷之六十

明篤行

三十七

蔡仲實先名仲蘚字志郁號季全又號毓泉晉江人少聰穎善記父督之力學值家難薦興父繫園扉仲實泣三日夜銳身爲解傾貲繼之久方得脫而家蕩然矣於是謀賈於燕齊泣辭父曰所不能收尺寸爲父母養漫然歸里者非子也時倭寇充斥商旅道阻冒波濤浮海以去初至臨淄繼入洛陽仰取俯拾薄飲食忍嗜欲與僮僕同苦樂以義爲利以不貪少敗貲漸起供父甘毳無所不備每過家問安否承燕笑愉愉如也後因長兄歿于洛陽竟歸不復出里中推父爲鄉約長遇講期必市

■酒■具邀父老召子弟佐之自拱立左右竟日寇攻安平城推父爲堡社長守西門仲實代之自備壺漿粥士士斫緣城賊數人從此不敢窺西門當事者稱爲城西鎖鑰云爲人倜儻有大畧擘畫機宜事後多驗急人之阨厚施薄望居家纖嗇無故不御酒肉獨延師課子無所吝父歿周身衿櫛百費獨辦兄櫬歸計所遺貲盡畀嫂氏族有義舉推爲祭酒祠前棹楔地久棄外氏出貲贖之邑均田請爲正有素與搆者懼悔罪自請仲實曰吾豈以公事洩睚眦者若田多滷斥則爲下其人愧

泉州府志

卷之六十

明篤行

三十八

服夜酬以金笑却之諸所丈咸稱平邑令彭國光給冠帶旌之辭焉顧性剛直不能容人過戊子歲忽中蜚語被繫士民稱冤者以百數子光甲亦訟父冤令鍾允復試之稱爲奇材及覆按毫無實跡喟然曰世信有市虎哉立釋之自是韜晦不與里中事咄嗟竟日著香附四製說以自鳴辭旨悽惋讀者傷之後數年郡守舉鄉飲大賓復辭不就臨歿不及家事惟呼父母數聲而逝焉

節景  
璧集

劉賡字良甫自號拙介惠安人叅政會子爲諸生入雍蕭

然寒儉絕無貴介容所自奉者香爐茗椀十數種書史  
鑑謨錄下及雜劇之類而已事父盡孝而意所不可必  
婉轉力陳會稱爲諍子每慕范文正義田事詢族中貧  
窘者周之歲疫捐藥貲以濟凡活若干人嘗言寧人負  
我母我負人吾所不足者爲小人欺不爲君子短沒之  
年先期受產付諸子自言少八元門死生不爲念檢其  
手書有云欲往西竺誦彌陀者其達生委化如此

節克  
薪堂

集文

余楠字仕茂號草崖晉江人十四而孤事父母至孝處兄

泉州府志

卷之六十

明篤行

三十九

弟友弟二人一爲邯鄲令一爲校官皆以恪節致遠提  
示之教諸姪如己子以所居之屋讓兄弟自作小屋貽  
其子煥曰此蝸殼也蝸不自濡以上壁則殆矣又云男  
兒志在四方奈何儒衣冠而市人心捫一錢汗出不忍  
釋去此名守錢奴不願汝曹效之又云人生一苦器也  
豈必富貴成遂哉學而明人倫治生立家不爽其度此  
名人耳其他俟命於天矣素坦夷無城府用禮自約不  
言人過遇公正則發憤嘗謂司馬君實所爲可對人言  
雖不能至吾心勉焉遍觀書史評隲詳當所居構亭累

山蒔花藝樹容膝而已邑紳士皆許爲今人而古心云  
莊懋儀字伯羽號龍巖晉江人侍郎國禎子性資醇樸絕  
去機械終身無完采無重味挹損自將未嘗以意氣加  
人往來父任所經郡邑一切餽問悉謝絕凡父所薦吏  
莅閩者求見其面不可得有以關節納賂叩者叱去之  
居家不問田產時取稗官野史繙閱竟日遇當意者手  
自抄錄課諸子一如其所自持晚奉恩例授光祿監事

節霞樓  
藏藁

泉州府志

卷之六十

明篤行

四十

楊南宗字師程號懷麓晉江人十三歲學作史論恍惚古  
人師驚服謂他日必爲史學宗工值倭亂父母繼沒田  
廬盡蕪益下帷攻苦博涉羣書爲文力洗鉛華獨抽眞  
詣尤長於策論滾滾不窮嘗至省陳備倭方畧當軸稱  
爲孫吳兵法班馬史才欲薦以牙旌辭不就惟日課子  
讀書不問戶外事及子景辰登第館選徒步龕衣不改  
其舊篤愛幼弟分產蕩盡復捐橐金予之尤敦古誼有  
友被株連勢窮投止貸金濟之事平無德色同舍生有  
陰私事終身秘之不漏一鄉民從倭旣而歸治生業族



少年謀鈎往事力止之曰人既更新奈何已甚得保全無害後以子貴封贈如其官

節霞樓藏藁參  
楊大學士文集

莊原亭晉江福全所人純白貫乎肺腑惇切本於人倫賈中稱廉不欺不貳負我者不之責而悖我者不之較至其周捨賑施竭盡心力而後止福全人羣頌於郡太守守進而旌之以風海上

黃尙綱字廷美號懷心晉江安平人幼喪父哭踊如成人事母色養兼摯遭家中落謂弟曰我賈爾讀各自努力於是歷吳越燕趙東粵積勤累織上供母養下資弟讀

泉州府志

卷之六十

明篤行

四十一

一日寓閭門有所感觸泫然流涕曰治生以奉親顧反違親乎歸而一意定省具甘脆披菜衣率其弟若子姓稱觴上壽凡可娛親者必曲致之亡何弟爲諸生卒撫姪與子均視幼課讀長授室割囊金資之母八十餘歿哀泣如孺子手治窀穸必誠必信高曾之殯畢就塋域其在粵時粗足自給有族子幼孤寓潮落魄難堪謀欲渡海南尙綱捐貲賑之令勿轉徙其仁心爲質類如此

節河  
于集

黃維珪字俞特號執軒晉江安平人事父母及諸父得其

歡心好義樂施恥屑屑競錐刀凡名賢書畫金石欵志  
方外服食靡不講究尤精於琴工佩蘭調又自號佩蘭  
每遇佳山水風朝月夕或賓朋邂逅或侘傺岑寂撫絃  
操縵颯颯冷冷怡然適也以食指漸繁代父賈往來吳  
越粵嶠閒遍交名士嘗訓諸子曰賈非吾志也吾嗤世  
之賈豎往往爰攫谿藏喪心昏智故托於琴鎔砭而滌  
蕩之方吾鼓琴躊躇滿志不知天地高下形骸有無况  
區區盈絀多寡有知吾琴心者賈可也晚年遙授禮部  
儒士不沾沾侈章掖其意趣超然絕俗云

節河  
千集

泉州府志

卷之六十

明篤行

四十二

黃鑊字伯享號西川晉江安平人生有至性少喪父毀瘠  
柴立苦塊不去淚事母溫清備禮當其歡以家貧輟士  
業從事於賈稍得羨婚嫁弟妹以次均橐裝授之祖父  
母舊藏不吉遍歷山林求吉壤以父母祔葬其中嘗受  
其從兄託孤一倩守簿書竄負券乾沒千金羣從莫對  
鑊指墨痕濡許折之倩慙服人以是占遠識年三十四

卒

節千頃  
齋集

顏理學字道儒一字道裕晉江安平人幼喪母柴毀如禮  
有孝稱事繼母曲意承順得其歡心賈於粵會倭訐心

動歸值父疾劇得視含禭既除喪家中落復出就賈矜  
然諾重取予以仗義得諸賈豎心嘗領官符貿夷舶有  
齟齬之者旁一賈胡挺身出護得無害歸襄祖父母及  
父母葬事婚嫁弟妹及諸姪糜費不貲無德色性儉樸  
飲食服御極裁節至敬士推貧則無所吝有貸者或焚  
其券不問償內外親屬待舉火者數家族有顏魁槐幼  
而孤中遭亂離幾輟業者屢理學堅其力學廬之衣之  
糲之自白衣爲諸生以及計偕南宮一切經費胥取辦  
以故魁槐得專於學及居官一意爲廉無內顧憂皆理

泉州府志

卷之六十

明篤行

四十三

學以也卒後與魁槐並葬于洪嶺山左右分列焉

節千頃齋

集

黃宗任字伯尹號莘野晉江安平人少失怙恃伶仃孤苦  
不能自存從叔父客姑蘇受其要束莫從發舒歸而收  
拾餘燼自以其意經營貲稍進乃揚帆島嶼間獲竒羨  
歸而嘆曰此畏途也危其身以博阿堵非長策於是徵  
貴賤權取與任人而息之貲遂大起治家嚴而有法教  
子愛而能勞與人交無城府丐貸懿親不見德色卽貸  
而負負而復貸亦無難色性曠蕩好音律暇每以聲伎

自娛不能勝杯酌而樂與酒人遊不能因緣貴勢而意興所投油油與偕嘗言富貴紛華俱屬幻夢當及時行樂勿令稽阮笑人蓋能徒手致富見險卽止未老先休

陶然於物外者

于節河集

陳鳴周字振甫號東吾晉江人爲邑諸生事父母及祖母維謹篤愛二弟終身無閒言偶有恚怒見二弟則欣然忘之課諸姪無異己子分產取其瘠者有門戶事獨肩之不以累弟父歿時有遺金數十留貯之以襄葬事比丁祖父艱喪葬一秉于禮建祠墓側命子姪肄業其

泉州府志

卷之六十

明篤行

四十四

中外祖母徐氏僅育一女曾氏卽鳴周之母餘子皆庶出長者又以豪蕩產有嗾徐以不孝訟者爲涕泣挽回仍密規其子檢飭爲母子如初晚嗜道釋諸經工八分書爲詩不拘音律多爲古風年六十一卒子景奎萬歷

庚子舉人任亳州牧

節霞樓藏稿

蘇維穀字似卿號仰葵南安人三歲而孤隨母往母家避倭亂母偶心動攜歸家未三日而賊入城得存一綫八歲時母督就傅適天久雨見牆濡急奔號母前曰墻且壞母無於此紡績母曰不往塾而嬉哉操筆起逐之回

顧而墻已傾其孝感之竒如此越二年母復歿疊遭家難益刻苦自奮卒淪落不偶延師課子客以論文至者供具數日不厭性坦白無城府有橫逆相加者情恕理遣不與較至公議必侃侃自持嘗謀更新祖祠費無所出維穀謂祖有祀田畝溢于租有公田佃輕于租兩釐之可百餘金佐公費祠宇不日可就也趣其議于族大夫希棻竟如其議祠不日告成未幾卒於家希棻誄之有家學祭酒宗議白睂之稱後以子兆先貴贈如其官

節霞樓藏藁

泉州府志

卷之六十

明篤行

四十五

馮有翼字仕材號盤峰晉江人祖璘爲大埔尉有翼八歲而孤博涉六籍尤研治毛詩遭兵燹家落受徒自給嘗手抄性理綱目諸書至累卷帙字無鹵莽貧而好義親友不能舉婚喪輒割脯金資之不足則脫妻簪珥佐焉遇祭祀必豐腆先一日淨香几迎神思樂思嗜焄蒿悽愴若將見之有族叔宦粵西延有翼至署課子以瘴鄉不宜辭歸至粵東卒後以子時來貴贈如其官

節霞樓藏藁

張賁垣字擎座號吉園同安人居晉江副使朝綱三子爲諸生事母盡孝獨供甘旨不以累兄母病廢寢食躬湯

藥禱以身代歿盡哀盡禮父赴任廣西便道過里賁垣  
念萬里瘴鄉不宜聽父獨往遂從入粵既而父歿於官  
得親含殮持喪歸賁垣先自購地于朋山之麓至是爲  
父擇吉形家拘房分之說不得合賁垣以自購地示諸  
昆諸昆交善之遂襄父葬事爲人恟懾無華絕去機械  
至是非一定不能阿意以徇人讀書教子而外不干餘  
事郡有名士必折節致之與其子相切劘焉子汝瑚

節  
恥

躬堂  
文集

蔡賢徵字哲卿號我紫晉江人少孤母胡氏苦節荻教賢

泉州府志

卷之六十

明篤行

四十六

徵甫成童知力學雖寒暑不扇爐既壯有聲黌序里中  
推爲祭酒四十喪耦不再娶事母盡孝事嫂如母撫二  
姪如子居鄉恂訥若不勝衣正己率物有太邱彥方之  
望及子爲嘉善令就養官署日以忠勤爲提命每公退  
趨庭問所興除及獄訟平反卽色喜爲加酌異平時子  
多善政峴不勝碑賢徵教也卒於嘉善署中年七十二  
紳士父老祭于堂祭于道哭泣盡哀後 贈四川道監  
察御史越數年祀鄉賢子鵬霄崇禎戊辰進士累官太  
僕少卿

劉廷焜字子曦號賡台晉江諸生宏寶子鱗長父廷焜承先啓後無貴介尊重氣其立身砥行欲與古人相上下酷嗜書史留心古今治亂之大機及聖賢學問經濟可以裨身心救世務者組纂無虛日訓子義方多儒先理要語著有閩浙宗傳行于世以子鱗長貴贈如其官

何喬選字華先號實孝晉江人燿子三歲喪母隨兄喬遴事繼母林氏林善恚兄跪與跪兄泣與泣林爲忘嗔稍長竭力經營以佐兄喬遴多病嘔血常數升喬選每雞

泉州府志

卷之六十

明篤行

四十七

鳴時用蘆薈餅啖之甲午兄子夢駿試於鄉時米珠薪桂喬選拮据數金徒步攜往三山佐其不足是年夢駿卽登賢書艱於嗣以兄子夢騁爲子歿後從姪九雲爲之誌

劉天植字可立晉江人有至性多長者行誼持父母喪毀中於禮而又明關節內外宗戚之孤而無衣食者喪而不能葬者侵牟於外侮者獨自勤劇經紀展拓之嘗道遇鬪者鬪人身懷五金急而寄天植彼此不識也旣而鬪者忘取其金天植旦日抵其處物色其人而還所寄

金又嘗貸金六百於安溪銓蔗者屬歲稔殍民相枕貸者貧不能償天植卽對衆燔所貸券聞其風者多媿慕焉時稱長者云

何著先字誠孝晉江人炯仲子炯與尤叅議烈相善爲姻婭著先其壻云初名著先後更名逵補縣附學生髫齡授經曉暢微義爲文沉鬱有思致嶷如成人天性至孝壬戌海寇作亂道無行人逵航海從無諸徒步省親靖江太夫人嘗癰篤逵爲太夫人治藥物至達旦不寐如是疾瘳年三十九卒

泉州府志

卷之六十

明篤行

四十八

劉世旒初名士芳以夢易今名字瓚卿號聲泉晉江人副使大遺子父憲浙卒于官扶櫬歸諸弟皆幼獨任家督茹淡攻書蒐獵百氏稟之宋箋爲文一澤于雅爲諸生試高等上省辟屢報罷不少挫事母虔且毖膝下承歡出告反面無幾微違甘毳之供必腆兄弟四人翕合無閒戚屬稱貸不以亡爲解及諸季長析箸後日益涼薄乃往吳越荆楚閒訪故人問取資焉臨江有嫡妻逐妾子而立族子爲繼訟之官時所司爲大遺門下士妾擁孤泣訴世旒求爲饒舌諾之嫡聞持百金以沮拂然曰



而忍絕夫後而利誘我乎嫡慙赧請居閒世旒語以產業二歸孤一歸繼嫡從之妾喜出望外以聞所司卒如斷不受謝去所至名公貴人願與交驩或惡少橫逆相加不與較隣舟有刀筆吏見其蓬累笑謂曰人言吏爲狗乃儒生纍纍則奚似舟人裂眦以視而世旒佯不知作龍狗賦以自解人竒其文而服其量居家提躬待人馭僕動遵先訓而家庭任寬不以夏楚収威子孫亦若于訓庚子猶應秋闈逾年入越歸至建州背瘡發抵家數日卒年四十六

景節璧集

泉州府志

卷之六十

明篤行

四十九

王元卿字應元號伯台晉江人爲郡諸生哀然有名尤長于詩嘗與郭維賢何喬遠等相唱和父欲作室苦無貲仰屋嘆元卿跪問故曰吾欲築室無所措計惟捐田而田乃先人所授捐之非孝元卿曰婦有廬田以此捐之可無損先世矣父喜從之自是日貧落嘗寓南都渡揚子江夢神人告之曰旦至白馬墩當覆舟汝有孝德吾當拯汝越日渡江舟敝而人衆元卿方在艙中經理詩帙舟隨覆自水中伸臂上果有人掖出之丙午夏有給事行人冊封琉球求詩客可語者聘元卿偕行歸舟海

風大作有二巨魚夾舟長數十丈目光如電舵折舟旋  
二使面無人色曰命止此矣元卿談笑自如曰二公奉  
天威而來何波臣之敢災盥手焚香出詔書向船頭宣  
讀風遂息其鎮定如此子士彥萬歷乙卯舉人西涼通  
判參景璧集

莊獻字際範同安人嘉靖丙午舉人篤學多識爲人敦良  
質實溫恭有禮居鄉處人和樂無忤其在朋輩雖一日  
之長亦謙謙隨行不敢先遭歲荒窮乏稱貸無所吝亦  
不甚責其息鄉人愛之節林次崖文集

泉州府志

卷之六十

明篤行

五十

洪居正字季中號栢坡同安人萬歷癸酉歲貢授武進訓  
導捐俸以新學宮卻贄以恤寒士被物色者多脫穎去  
及子邦光登戊辰進士出守雲南始謝官就封尋晉封  
貴州左叅政有司屢延大賓間一赴之居正負竒力學  
文譽蜚騰歷試多首拔負篋者屢滿戶外亦多翔貴性  
友愛撫諸姪有恩其訓家云孝弟禮義文章節槩當吾  
家茶飯諸兒曹喫得飽時卽是便宜田地自壯至老言  
無過詞動無踰則爲封翁閉戶守恬不作氣勢不廣生  
殖約率僮僕取供掃除而已年八十四卒節清白堂稿

李宗熹晉江人源孫萬歷戊子舉人博雅淹貫常與何喬遠遊事父母孝處兄弟分財無私祖宗之事以身肩之不以貧自解與朋友交堅忍可託友沒見其子解衣推食如親子姪高誼篤行嘖嘖鄉閭七上公車沒於京

傅櫟字勵夫南安人幼奇穎過目成誦兄樂萬歷戊子舉於鄉櫟益勵學事父惴惴惟謹值父社宴侍觴候酌如陳太邱故事性挺直骯髒無隨俗浮沉之態得足疾卒

南安志

泉州府志

卷之六十

明篤行

五十一

林宗彥字爾藩號聲麓晉江人爲諸生讀書小心默會爲文據經依傳喜平淡不事奇詭事父孝承志偵奉幾微必謹侍立終日無跛倚伯父歿請於父以橐中藏盡歸伯母不以乏嗣故稍自私叔父老於掌故請以祖父遺貲悉畀之平居無疾言遽色遇事逡巡聞人不善輒面赤口不言人過人亦畏其知多信服之有叔母惑愛於壻訟其嗣子將逮之宗彥亟趨解之曰而子雖非離裏猶子也壻與子孰親哉叔母大感悟卒釋于官爲母子如初從兄爲新城令艱於嗣沒後遺孤危于痘倉皇籲

天微存一綫竟不免乃以己次子甲春繼之家故饒儉  
樸不異寒素至振人緩急則傾貲以赴嘗自銘曰吾本  
薄德人當行積德事以體羸善病未晚謝舉子業與里  
中老人爲社會角巾布袍拱立端容人雖習見必以莊  
邑令李待問延爲鄉賓辭不赴識者高之

景璧集

丁懷可字與德號肖和晉江人家苦貧稍長業賈以養父  
時島夷內訌一錢一縷皆自萬死一生中得之供甘旨  
怡色笑父稱其孝父愛少子先意曲庇之俾無乏絕有  
伯父老而貧僅一孫復少失怙恃懷可體父意爲撫育

泉州府志

卷之六十

明篤行

五十二

遺孤少置傅長授室愛同己子貌悅色恭和煦襲人及  
義氣所激則彊禦不避弟爲惡少所侮費橐金必期伏  
辜而止及父旣沒則曰徃徵貴賤權子母以親在耳今  
寧復俛首逐末取忌造物乎歸而課子讀書爲亢宗計  
未幾卒方伯林象川輓之曰事父孝以及父之兄力貧  
不計忘身勞而計身之後沒世亦寧

節霞棲  
藏藁

謝聘字爾尹號莘麓晉江人少擔簦齎糧出山谷就學城  
闈與李廷機楊道會溫顯等遊具有雋才父別置側室  
與母不相得聘常幾諫父怒逐之出命從其母居時年

甫十四後里中有挺傷其母者聘弟與之鬩徽纆而送之官其中途服藥死以命控聘不委諸弟以身承之繫園土者三十餘年卒得釋其兩遭厄窮皆爲母故遇

雖不幸而孝弟藹如何喬遠爲之傳

景節璧集

謝宣卿號仲泰南安人潮州守光五世孫滁州牧望儼次子幼有至性事父母孝事兄如父九歲通儒業治春秋洞悉窾奧就試多前列父沒於滁其兄扶櫬歸宣卿哀毀如禮偕伯季跪起母前呶唔不輟亡何母歿季弟亦逝乃與兄卜宅紫石岡下拓中爲祠祀父旁益數椽課

泉州府志

卷之六十

明篤行

五十三

耕教子有終焉之意紫石之衢羣賈叢聚澆淳雜處宣卿爲明六諭別良楛有構爭者片言折之賢於訟庭及以子貴迎養歸留郡城舊宇益閉戶謹飭約束僮僕郡邑長時及其門僅一報謝不以竿牘繼也嘗隨子視鹺粵東過潮州父老聞爲前太守孫擁道迎之宣卿率子孫拜祠下命子採潮志摘先人宦跡以益家乘以覃恩封禮科給事中爲郡鄉飲大賓者三邑大賓者五年八十四卒紫石之人爲建祠于晉江之澣子元珧

節盤輿備言

陳學朱號梅谷南安人弱冠爲諸生有聲鬢序秋試屢蹶

復多疾病及見子應堂穎異遂專意課督延欸師友豐其脯贄期底於成所受先貲僅足供饗殮澹泊節嗇衣不重帛食無兼味至緩急叩扉愬以乏絕則傾困倒橐無難色居恒未嘗操筦鑰筭區豆見夫營營者輒竊笑之曰衿纓而脩研桑之筴粒粟寸縷靡沾於人將焉用之及子領鄉薦益與諸老結社筍江爲逸樂會青衫布帛泊如也後子登第爲知府而學朱已卒贈大理寺評

事

節  
集

蔡紹英字雋卿號少桂同安人六歲而孤二母育而教之

泉州府志

卷之六十

明篤行

五十四

幼有至性出入起居惟命是從讀書務通大義不作書生呻吟態爲人重厚質直無窳言無飾行處昆季友恭女兄奩送來往無二視見尊長一話一動恂恂無敢先人待里隣然諾必信升斗不靳無侮人人亦無侮者無欺人人亦無欺者里族難平之事解忿息爭不之官而取決其一言年四十六卒堂叔獻臣銘其墓

節  
清白  
堂稿

史延曷字夫東晉江人大學士繼偕第六子幼聰穎稍長爲文挺特之氣隱躍筆端每得父詩歌翰蹟輒乞藏之爲諸生有文聲兼工詩草書遒勁傾絕一時性疎於財

被服儒素約飭諸僕圉或夤緣作奸痛繩以法禮賢士  
敦戚族歲給粟有常數天啓丁酉以父恩入監讀書甲  
子將試秋闈道病歸越四年卒於家年三十五有遺詩  
百十餘首節雲臺藏藁  
阮伯宗字一峯同安人幼孤母守志鞠之十餘歲泛海求  
贏餘以養母母沒躬負土石與父合葬鷺門課子讀書  
風雨寒暑不少輟生平寡言笑絕交遊取與不苟值峽  
江曾公櫻之喪患難中傾囊助之一裘三十年一履五  
年終身不衣帛有隆萬儉樸遺風子旻錫

泉州府志

卷之六十

明篤行

五十五

林期昌字泰曾號存崖晉江人欲棟子天啓辛酉舉人本  
名長昌雋後改今名崇禎丁丑進士授南京戶部虞衡  
司主事勤於其職念父歸省復畏簡書匆匆就道往返  
炎蒸中途得血疾至留都疾復作卒年四十期昌謙厚  
淳謹無疾言遽色口不言人是非遇非意之加談笑受  
之淡約自甘食無兼味衣無重帛終其身無二色就試  
都門時友人戲以名妓置臥室中終席不交一語妓出  
語人曰我閱人多矣未有若人之鐵石者也性至孝念  
母早逝事父倍謹柔聲和氣惟恐少忤待諸弟篤愛每

公車遠行連被對榻依依月日不忍舍至同堂諸弟亦  
皆煦濡披洽歡若一氣尤恤窮交友人李子賢歿爲撫  
其孤捍其外侮及期昌歿時李一家號慟如骨肉焉

採林

撰 漢  
誌 翁

鄭邦偕字士纘號幼林晉江人良璧季子二歲而孤母卵  
翼之稍長折節讀書篤事師友治經生言丹鉛師說備  
精且勤篝燈下帷矻矻不怠析箸而食奉母起居甚謹  
甘毳之供惟力是視母疾篤旦夕醫侍密禱身代及歿  
匍匐哭泣守喪百日旣壯試弗利氣不少挫每屆試咿

泉州府志

卷之六十

明 篤 行

五十六

唔達曙累數日目不交睫至唾血不爲動郡邑累列前  
矛而督學試輒絀乃稍放情花鳥竹石閒作二小影題  
詠自娛生平言無溢口行無軼履終歲杜門無戶外交  
布衣儉食守先業不失尺寸以憂憤遘疾卒姪之元

節 克

薪 堂  
文 集

陳履貞字喬嶽號建齋晉江人入南安庠崇禎癸酉舉人  
榜名歲倩雋後改今名癸未成進士授行人遷戶部主  
事擢吏科右給事中立朝侃侃有古直臣風以給假歸  
鼎革後杜門謝客人罕見其面壯年嘗遊武夷山見朱



子祠宇傾圮卽倡建脩葺在安平復脩朱子書院朝夕禮之益謹生平孝友凡暮功之親貧不自贍者咸衣食之諸同譜有稱貸者無少恡亦毫無德色居常語人曰寧人負我無我負人晚年食貧自怡著書課子而外無

他涉焉

南安志

傅履銓字則範南安人翰表孫爲諸生有聲性孝友恂恂惟謹順治丁酉長子亶登賢書同里薦紳吳澧謂之曰君自身而父而祖以逮厥子家學一經世種其德篤學力行真不愧有道儒風也申鄉黨之訓崇樸黜浮鄉人

泉州府志

卷之六十

明篤行

五十七

化之相戒勿爲傅君所短亶令浙之松陽廉能有聲

南安志

丁梲字幼薦號顓初晉江人啓濬五子年十七爲諸生受學于吳韓起下帷東湖足不窺園父集子姪偕知名士較藝優者輒酌滿賜樽匝獎勞並得以其器歸棕月計所獲獨多督學吳道昌試第一補餼試草殺青時爭膾炙秋闈蹶彌自奮勵性恬淡無紈袴習見博戲呼飲選技徵聲亟引避之事父母視聽在形聲外友于兄弟無分嫡庶如同一乳父歿擗踊盡哀殯葬盡禮父遺書不

下萬卷與三兄共相抽探學益宏邃相國張瑞圖嘗題  
其門柱曰開逕延三益過庭益二聞蓋深嘉與之云棕  
質素羸以痛父情深力學過瘁得血疾年二十三卒易  
簣時惟囑妻善事老母撫立幼孤餘無他及子煒節山文問  
集

國朝篤行一

潘見龍

施志尙

蔡韞輝

許聯光

洪承埏

謝元瑞

泉州府志

卷之六十

國朝篤行

五十八

蘇國珍

黃楨

林聚垓

黃中址

柯得昌

陳顥奎

陳碩奎

梁濟

黃端賡

莊賡

張履登  
曾維尙

楊維

蔡良棟

鄭階

黃其儀

黃洽特

郭璘圭

陳維衡

莊象厚

黃國器

張有勝

陳世連

王中夏

陳應辰

劉彭齡

林德昭

彭殿斌

陳孝宗

陳明陞

吳曾芳

金友

陳大賓

陳后山

黃志長

○潘見龍字正甫晉江人幼孤事母有至性弱冠補漳邑

泉州府志

卷之六十

國朝篤行

五十九

諸生順治戊子長兄某歿於安邑龍往歸其喪會海氛  
寇郡樓櫓直逼城下城中戒嚴民出入樵採及就食外  
地皆有印記限數不得多引儕輩龍聞間道歸計母老  
嫂寡諸孤幼圍城中必不可活偕行俱避又不可乃負  
母先出趨閩湖寄食戚家次及寡嫂諸孤最後始挈其  
妻崎嶇兵燹間凡十餘往返卒全骨肉各無恙又常入  
賊壘慟哭旬日脫其從兄以歸既平定葺祖塋脩宗譜  
事皆敦本務實羅浮陳恭尹爲文叙其行誼而名之曰

篤行君子年八十三卒

雍正舊稿

○施志尙字秉直號澹遠晉江人孝友尙義年十二值鼎革家貧竭力養親丁巳之變父兄避難南安山中志尙自郡負米以供往返艱險無間與友聯財甲寅兵寇大掠謹匿其藏事平盡出與友分之友感泣戊午寇圍城親友多絕糧志尙積穀數十斛不吝分給賴全活者甚衆子奕簪爲內黃令偶過其境大水淹沒民舍數百家志尙傾橐金伍百兩分賑人謳思之卒年八十七

雍正志稿

○蔡韞輝字彥璞晉江人鵬霄子幼有至性居喪哀毀終身不服絢采營葬地時術者感其恩禮獨厚請以青烏

泉州府志

卷之六十

國朝篤行

六十

制作法專利之韞輝歎曰吾冀妥先魄耳豈以私哉性素好施貧交有急則典鬻以濟故其家益貧甌無餘儲授徒佐炊讀書樂道陶然自得也年六十一卒韞輝爲人長厚無競不念舊惡先寅卯歲山海交訏有席氛肆虐者亂平後不自安介所親以重貨請峻却之而終無報意其情恕理遣喜怒不形大率類此以子仕舛貴

贈僉都御史長子仕岳

雍正志稿

○許聯光字又侯惠安人唐刺史稷之後天姿穎異文藻夙成總角就試邑令詫爲奇童及冠郡守試第一爲郡

諸生文名籍起風情逸發襟度豁如邑士無不願交聯  
光益折節潛精博稽載籍搜求義奧必窮根柢至周旋  
折旋動依繩檢無不矜式者高明之家爭延西席經指  
授者學行交脩成名者衆父以目疾廢孝養備至脩脯  
所入供甘旨惟恐不及撫弟遺孤恩踰所生與人交姁  
姁和厚久而益摯年五十六卒子學衡節瘦松集

○洪承埏號仁山南安英山人少讀書能文遭明季擾亂  
棄業家居恬淡寡營冲和有厚德鞭樸不行於婢僕辱  
罵不及於兒孫然和而介里中浮薄者憚晉謁得承色

泉州府志

卷之六十

國朝篤行

六十一

笑則退而大喜晚寄情於酒每微曛向家人覩縷見聞  
事謂吾年躋大耋屢閱滄桑豪強營逐今皆安在惟爲  
善可恃耳尤精子平之術鄰舍翁方馳逐自豪室人羨  
之承埏曰果似彼若感矣越數日而鄰翁歿族子有女  
病垂絕急叩門問之曰是女雖扶之不死也旣而果痊  
其長子先承埏卒數日之前承埏知其不免躬臥病在  
床至期屢使人候日晷忽躍起曰吾何病哉憂長兒耳  
今過是節不死矣命不足信也其實長子已先數日卒  
不敢告也其奇驗多類此年八十二卒孫科捷曾孫世

澤俱翰林

○謝元瑞字幼甫號朗玉晉江人八歲喪父賴母吳鞠育稍長爲郡諸生撫養遺腹次弟弟稍長歿又撫其二姪養育冠婚罄悉家財通族推其孝友脩先代良二千石坊葺先賢蔡清祠還金於方伯黃志遴不以生死背負收族恤故樂人之善急人之難多卓卓可紀歿後相國李光地爲之誌載李耜卿臯軒文集中

○蘇國珍晉江人夢儀第四子也天性孝友初爲貴州敷勇衛諸生以父功授錦衣衛將軍正千戶癸未父兄殉

泉州府志

卷之六十

國朝篤行

六十二

安慶之難時中原洶洶音問隔絕蓬洗千里舁櫬歸念兄國瓓清宦割腴遺之痛父兄慘節退隱霞庄不仕耕釣詩酒自娛所居鄰邇巨寇鄉人數遭毒擾國珍出己資築土堡禦之遠近男婦大小五百餘口受其庇又濬大陂渠漑洋田千餘頃鄉人戴德編集先正格言著樵寄垂後錄年八十一卒

○黃楨字道幹號畏翁惠安人少喪父鞠於祖孝友端慤有自然之性祖病刲股以奉沒持素終其喪嘗與友郭生遠行郭遇難千里徒步負骸歸其家並錄其遺貲還

之爲文根柢經術不喜華艷故不售於時中歲乃爲諸生非其好卒棄去之學爲詩特重氣格甲午惠城陷親友被掠多不能自存楨故貧分衣輟食以濟之蒙惠者衆無德色及遷附海民居廬舍田園皆盡已復遇劫於山寺向之衣食於楨者未聞有相報卽素從稱貸者遇之罔聞楨亦未嘗啓口取償日與中子負薪山中或賣卜自給而志節不挫不苟求人亦無怨尤之色蓋其中有所得云

松節瘦集

○林聚垓安溪感德里人性樂善好施順治間海濱居民

泉州府志

卷之六十

國朝篤行

六十三

流徙入山旋遭疾疫道殣相繼聚垓買櫬親爲埋瘞鄉黨咸高其誼孫有懷道炳曾孫廷沐科甲聯綿僉謂隱德之報

○黃中祉號願菴安溪人年十三失怙輟業至二十七奮志下帷入晉庠順治辛卯舉人爲人寡言笑無褻容未嘗嬖求當道爲鄉邑所畏服置祀田好施與未官而卒著有四書集信諸藝

安溪志

○柯得昌字昭全晉江人爲諸生少孤依從兄賡昌教育孝友純篤追隨賡昌脊令急難爲給諫王命岳侍郎富

鴻基所嘆服國初寇盜交訐濱海苦烽火得昌請於官躬親督理築沿海七寨防禦海寇民以安堵辛丑播遷僑寓南塘者踵相接化儻萬狀得昌留意安插資其飢寒恤其征役全活千餘人平定復界人思其德不誼生平救災卹患爲德於鄉甚多晚歲生季子繼美孝友積德能世其家繼美長子偉生三子可棟皆成進士人以爲世德之報云

○陳顥奎字子令晉江人鳴鑾季子允錫弟幼聰穎書過目成誦琴奕書數無所不能亦學爲詩好談禪事親怡然無間與諸兄雍睦性情溫厚在醜不爭以薦除衛曹叅軍旋投檄去客海澄南靖諸同人所兄授扶風丞匹馬之官顥奎在家事親撫姪拮据卒瘖母沒獨襄喪事後因赴長沙病卒於萍鄉縣瀘溪年三十九

節齋文集

○陳碩奎字子儼晉江人鳴鑾子允錫弟讀書遲鈍一成誦卽終身不忘質直耿介非其取不取非其食不食兄有少失輒侃侃諍之尤果敢有氣鼎革之際居人聞風逃竄父兄避地山中碩奎年十八獨請居守事定迎父母兄歸器用依然廬舍無恙父宦粵東奉母以從首邑



衝繁多所贊助父遭鄭鴻逵之變奔走經營時正病瘡  
閒道航海拮据圖贖及父抵家卒碩奎以勞瘁之餘復  
遭大故哀慕成疾踰歲亦卒年方二十有四節齋  
文集

○梁濟字平甫號思巖南安洪瀨人宋丞相克家之後順  
治初奉母避寇挈弟妹諸甥十餘口均衣推食極力保  
護羣豪利其叔維吉貲將加害挺身排解脫叔父子於  
難有黃十一與其族孝廉有隙欲得而手刃之憤族人  
閉土堡匿護積薪四門將盡燔以洩忿濟經其鄉爲開  
譬講解活人千計又嘗救束縛待刃者十餘人室女宦

泉州府志

卷之六十

國朝篤行

六十五

眷被掠者十餘人皆一言立解有喪母攜金市棺者爲  
土豪攫去濟白豪帥追給之豪蓄怒圖不測忽暴疾不  
能爲害蓋默有天相也子國寶康熙庚辰進士鎮平知

縣

雍正志稿參  
梁氏家傳

○黃端賡黃莊賡晉江曾埭人順治閒奉母往粵東治生  
孝養莊賡推兄主家政貨殖所羨盡歸之兄毫無私蓄  
母歿返櫬營葬祖父母曾祖父母新歷世祠宇置祀田  
族中喪葬婚嫁竭力應之貧而知學者延師課督給以  
資脯農者助之牛種商賈者資其本貲外戚故舊亦多

所周恤兄弟同心絕無閒言云

近時新案

○張履登字孺韜惠安張坑人岳姪孫宇孫弱冠遊太學籍籍有聲髫年失恃父患宿疾登與兄履葵奉侍維謹歷八九年如一日人以孝稱中年失偶終身不再娶爲人端方和易輕財好施築東溪書室文人學士屢滿戶外甲午 文廟傾圮捐貲倡修是秋二子同薦于鄉巡按朱克簡扁其廬年八十四卒著有寧我詩集行世子焯順治辛丑進士次子焄

惠安志稿

○曾維尚原名繼熾字文中惠安在坊人明叅議偉芳孫

泉州府志

卷之六十

國朝篤行

六十六

庠生士楚子四歲出嗣其伯父庠生士林甫十歲而嗣母有痼疾凡起居食息維尚必躬必親積十餘年未嘗稍懈姊妹憫其勞瘁欲與更代弗顧也及嗣母歿水漿不入口者三日居喪三年食蔬茹素笑容不形本生母垂白在堂諸弟產薄食貧饗殮不給凡甘脆之供繒帛之奉維尚悉以身肩之其弟蚤喪撫育其子如同己子居恒自書爲善最樂四字以當座右之銘鄰里親戚有以緩急相告者不惜傾囊倒篋以應之時遇疾疫病者施藥歿者施棺艱難拮据無所吝鄉閭遠近咸稱爲盛

德君子云登順治甲午賢書授廣西富川知縣未任以

疾終

惠安志稿

○楊維字植巖晉江人性孝友恤族好義婚娶弟姪之無

力者凡數輩當海氛未靖時嘗因事解人之厄幾自陷

險地終不以告人鄉閭益稱之子廷勳

雍正舊稿

○蔡良棟字伯承號懷初晉江人立愛孫少喪父鞠于母

值年荒家計日絀母邁奇疾侍奉湯藥衣帶不解者閱

月沒盡哀盡禮性曠達不事家人產亦不作寒儉態祭

祀賓客必豐腆女弟適郡城不能餬口攜男女來相依

泉州府志

卷之六十

國朝篤行

六十七

分所居居之所食食之以及內外親族凡疾病死喪相

告雖囊空必鬻借應之與人交不渝然諾遇不平事侃

詞峻色無阿徇有以財利爭者輒降心相從無所較鄉

閭嘖嘖稱之年四十八卒以長子萃吉任絳州州同

贈承務郎又以次子郁任天津叅將 贈昭勇將軍

○鄭階字明履號升菴南安石井人少力學篤於倫常先

世食貧祖遊粵歲久不歸父謂階曰而祖遠適如我陟

岵之嗟何階聞命卽徒步至粵奉祖以歸未幾祖父母

及父母前後相繼歿哀毀骨立淚繼以血襄葬事如禮

遇諱辰嗚嗚作孺子泣仲季二弟克詰戎行歲時伏臘  
祖先坵壟非階莫任曰弟方有事軍國毋以是貽厥憂  
也甲申乙酉閒有謂階長者欲引以爲重力辭不就避  
居海外尤恬約自處貴顯仰慕罕見其面王忠孝稱其  
潛德不耀植躬謹厚似東漢諸君子云晚年偕子客京  
師病卒邸舍臨歿猶以親睦宗黨霜露松楸爲念子纘

祖

節雪泥  
集文抄

○黃其儀字宗百晉江人幼聰慧嗜學亂後產落乃輟業  
治生性好施與數賑恤流亡瘞埋胔骼又以兩弟早喪

泉州府志

卷之六十

國朝篤行

六十八

遺孤寡婦慰撫未嘗異視時高其行年七十一卒子寅

亮康熙己卯舉人

雍正  
舊稿

○黃洽特字達甫南安人性敦篤好施與兄洽選爲嘉定  
令因公被累卒于官洽特奔走彌年完補公項事得白  
扶櫬而歸李光地題有紫荊風藹扁額褒之

○郭璘圭字爾錫號毅亭晉江人幼磊落不凡讀書穎慧  
垂髫能文因家貧棄去伯父先未子以璘圭爲繼後娶  
妾生二子仍命歸宗事繼父母及父母俱能得其歡心  
歸宗後家益貧嘗從李日烜收捕水沙蓮賊陳辛授功

加都司僉書職銜及回內地郡太守稔其才委署本府  
倉官出納精詳督率惟謹軍需以濟念先世大宗小宗  
祠俱已建立而六世祖未有祠宇倡房族捐輸興建竭  
力督之迄今廟貌煥然又因三世祖祠門樓牌坊燬於  
火中後層亦閒有圯壞勸勉族人出貲興脩已庀財鳩  
工將次落成適族中有富而慳者梗其事未克竣功時  
囑子孫完其事至雍正辛亥子世興始偕族人捐貲脩  
建族戚有急難銳身赴之雖冒湯火不辭多有得其解  
免者遇有搆爭出數言分析曲直侃侃無所迴護各自

氣平冰釋敦氣誼重然諾有浙中高姓幕友應聘隣省  
家有老母病瘋不離床褥無人侍奉以托璘圭卽迎至  
家令妻鄭氏躬奉七箸扶掖臥起事之如母閱數年不  
懈高君母子感泣欲絕惟以厥後必昌對天禱祝焉撫  
弟璘璧友于備至弟亦愛敬之如父會運穀數千石已  
報入港尙未交倉忽遭颶風漂覆顆粒無存傾家賠償  
不及十分之一勒追嚴切莫從措手弟璘璧代繫於官  
璘圭赴省訴於制軍姚公啓聖批府縣查實結報始得  
豁免人謂忠厚孝友之報年五十四卒以子世興貴

贈忠顯校尉又以孫賡武貴馳贈中憲大夫

○陳維衡字季璇同安人永華三子年二十爲諸生有學行漳石美有祖屋舊址附近黃姓貪其地謀於衡曰君祖地廢不用宗人皆碌碌請爲君求之私奉三百金不然將强築此地以千金爲告費此地終非君家有也衡拂然曰若然則祖地席捲而去宗人皆碌碌某遂得爲錚錚乎遂白於官越年兄夢球以翰林奉勅巡海有司審實將按黃罪衡復請曰某於黃爲同鄉只求斷歸原主不愿推究其罪既出諸從子皆憤以叔爲癡衡曰是

泉州府志

卷之六十

國朝篤行

七十

非汝所知也盛衰有時今日何難盡法後來可長保耶是時黃自分禍且不測竟得免感激難名踵門叩謝自是相敬愛數十年莫敢窺伺維衡居家端重終日無疾言遽色宗族親友皆雅重之

節家傳

○莊象厚字長約惠安人孝謹强朴執節不回母常患弱症三年蓐食象厚獨身供養未常少懈海氛初起時有友人以金寄其家使爲窖藏賊入拷掠索取象厚默受之終不與言賊去召友如數還之時高其義

雍正稿

○黃國器惠安人素好義里有遭難者夜叩門投百金求

爲排解國器平其難仍歸金毫無所取 稱長者子瑞

鰲舉人官知縣贈如其官

黃氏家傳

○張有勝安溪人聖行裔孫賦性孝友淳樸可風三舉鄉

賓固辭年七十卒

安溪志

○陳世連安溪人慈祥和易族聚指千餘遭寇蔡寅焚滅

幾盡連出家貲鳩集之族復聚邑令舉鄉賓卒年九十

安溪志

○王中夏安溪人孝友立身忠信處世淳雅足風重於閭里屢舉鄉賓不受壽九十一子團觀亦淳厚尙古良醫

泉州府志

卷之六十 國朝篤行

七十一

濟人

安溪志

○陳應辰字爲樞安溪永安里人少業儒孝事父母友愛諸弟每歲當青黃不接輒分其餘以濟族黨值海氛寇掠無寧日倡義鳩工築砦爲捍衛計鄉閭賴之曾孫宗

達成進士

安溪志

○劉彭齡同安人霖任三子弱冠爲諸生有文名事父母得其歡心以義方教子子運昇康熙庚申補科舉人平

和教諭

同安志

○林德昭安溪宮坂人爲諸生性孝友兄弟二人分產不

及弟半擇地葬親悉身肩之外祖孝廉唐公絕嗣爲祀田送主歸於舅氏祖祠得歲時奉祀勿替李光地有天性孝友錫類無疆之稱

安溪志

○彭殿斌安溪在坊人孝事雙親敬寡嫂如母撫胞姪如子閉戶讀書潛心經史及子登第斌年已六十餘猶舌耕不倦以子洙貴 贈奉直大夫

安溪志

○陳孝宗字長美一字兆宏其先居海澄青浦至父以海氛避地安溪臺灣旣平乃徙居廈門遂爲同安人孝宗弱冠失怙習計然術行己以忠實爲本不苟然諾鄉里

泉州府志

卷之六十

國朝篤行

七十二

交相信重外島遠夷聞其名以貨來者爭投託焉自是貲漸進事母盡孝五十而慕不衰青浦祠燬於寇倡族重新春秋致祭幼寄養於謝從龍家從龍客死永春躬往訪求其遺魄歸葬以時祀之母舅無子爲擇承祧資其婚娶以至成立青浦族人往來無虛日欸接不倦與人交有始終周人之急無吝遠近稱爲長者有司察其行誼延爲鄉賓年五十九卒

節近道齋文集

○陳明陞字侯階號六貞晉江人康熙乙巳歲貢父早逝母翁氏遺腹生明陞稍長事母怡色柔聲母疾號天請



代歿痛哭淚盡繼以血建祖廟置祀田報本心切辛丑奉文遷海疆居民入郡雖世家公族不免明陞竭力維持費至萬金得免遷於是附近前洲龍塘龍窟諸鄉皆藉得安居數萬家男婦老幼感激流涕族中貧者爲之婚娶秀者教而育之有孕遴逢泰鬻於營伍備價贖之待師母如其母師之子洪懋懿窮苦無依購宅居焉郡播遷之後繼以洪水民困飢溺解衣推食待以舉火者千百家死則爲治喪且買洪尾埔后林埔曠地爲義塚以聽貧者葬焉明陞先爲諸生餼於庠歷試多冠軍前

泉州府志

卷之六十

國朝篤行

七十三

予其文籍籍人口督學孔公自洙宋公祖法兩舉優行嘗作長歌勗子孫有可知須積些兒德毋貴黃金遺滿箱之句蓋文行兼全者歿後郡太守葉樹德里人蘇壩俱爲之傳

○吳曾芳字孫若號愧菴南安人父皖康熙癸卯舉人任連城教諭曾芳由同安庠領康熙丙午鄉薦庚戌成進士爲文翻經談理隲括合度聲華爛如性至孝出於自然父母稱之無異辭與父上計偕舟車追侍下色怡聲父少恙則魂寐爲不安三滄茹歡偶失調度則憂形於

色晴陰愉拂拊摩慰藉務使體適而心懽胸無宿物喜  
愠隨觸過而輒忘與人交見肺腑代謀必忠隱惡揚善  
聲色睚眦皆理遣不圖報坦夷無崖岸而不爲破節事  
姿識通朗善察情僞曉事機而能持大體不爲錙銖小  
黠卒於京同年李光地爲次其行狀節村集

○金友原姓張同安人康熙庚申補戊午科舉人授仙遊  
教諭告養歸足不履公庭訥言敦行士林重之同安志

○陳大賓號敬菴同安人康熙庚午舉人庚辰進士安貧  
力學淡於世味未受官卒同安志

泉州府志

卷之六十

國朝篤行

七十四

○陳后山同安人康熙辛未歲貢甲辰乙巳同邑洵飢安  
溪人閉糶適后山設教安邑爲請於豪者得弛禁民困

以紓同安志

○黃志長字仁士號藹園晉江人刑部侍郎熙孕第六子  
康熙乙酉第八名舉人生平明大義不苟言笑處兄弟  
怡怡無閒生母沈係浙人每言其少時事風景人物及  
鄉村地名歷歷有據惟以不得音信爲恨志長閒關跋  
涉尋至富陽縣周家浦村中其生母之母年八十尙無  
恙乃攜其表弟來家越數載復整行裝送歸親顏大喜

家計淡泊常慨然以負荷祖德爲己任改銓教職未就而卒

國朝篤行二

何維嶽

李基豐

高攀丹

林文煥

曾廷標

黃育茹

陳覺世

龔時璜

陳茂煥

王宏基

陳大田

蔡錫蕃

盧士耀

泉州府志

卷之六十

國朝篤行

七十五

鄧熾

李鍾寧

陳世樞

黃士敬

林德謙

陳于荃

莊肇基

陳世垌

林贊育

江爾緯

黃其宗

佘應光

張鳳翥

莊咸澤

劉夢煜

薛石山

陳德英

蕭元琛

蔡必茨

侯文驥

潘新圖

徐時深

陳徽疇

陳九府

李琬

姚鳴玉

黃維儼

王世科

黃侍溱

李遇時

張正曜

官翰琦

施楠

何鼎鉉

杜士顯

李象雲

泉州府志

卷之六十

國朝篤行

七十六

黃文標

曹士馨

○何維嶽字禮宗號任齋晉江人龍文子十四歲入庠十九選拔康熙丙子副榜戊子舉人上春官踰年卒年四十三維嶽詩歌詞賦自成一家言事父母至孝父歿官舍匍匐扶襯遇夜獨宿外守襯行人悲感母病竭誠祈神願減己筭以益母二十八喪偶不再娶貧難自存而見義必爲摩頂脫叔父之難揭金解姊夫之厄扶女兄之襯運外父之棺掩骼放生善難枚舉大中丞儀封張公延入署共事校輯鰲峰書院記出其手後調撫江左

復東至姑蘇以兩世懸喪辭歸前後遊當事之門知有  
冤者爲白釋去而人莫知汀州邱嘉穗嘗貽書稱其至  
性厚德過人載邱集中所著有任齋詩文集維嶽卒後  
其子應旂爲諸生經營拮据始將三世懸棺先後卜葬  
人謂其能成父志孫增元舉人節何氏家傳

○李基豐字章吉號剛亭晉江人少孤母林氏鞠之勵志  
讀書晝夜無寧晷年十五爲諸生旋補餼試三居首餘  
皆前列棘闈房薦四執經問業者無虛日得其片言許  
可者如登龍門縉紳大夫咸禮重之事母至孝問視終

泉州府志

卷之六十

國朝篤行

七十七

身無閒歿殯殮盡禮侍柩側三年未嘗入內寢方基豐  
入泮後適曾祖觀察廷檳墳在東山爲投誠林德恃勢  
橫葬墓側基豐奮不顧身歷控諸當事卒以盜葬律起  
遷先靈獲安又諸祖叔業已轉售產隸本戶南安里長  
陳弘通訟其積逋於督學檄下府審追基豐據情泣訴  
計賠產四十餘石皆得業者匿產爲刷出推収殆盡自  
此家免追呼人謂其一路上關祖宗下係子孫云性豪  
爽輕財重義濟困扶危雖百金不吝日以詩酒自娛每  
劇飲歌吟笑呼旁若無人卒偃蹇不遇竟以明經終年

六十八卒所選有綠照亭制義所著有詩文稿子升元  
入永春庠康熙乙酉舉人安南知縣

○高攀丹字景瞻安溪貢生康熙戊子舉人忠厚醇慤母  
早喪孝謹事父鄉鄰稱之

安溪志

○林文煥字憲潛安溪人康熙丁酉舉人乾隆丙辰禮闈  
以高年

特恩授國子監學正榮身歸里爲人和易樂愷善誘生徒  
壽八十一

安溪縣志

○曾廷標字柱卿號靜軒晉江石獅亭人十五歲爲漳郡

泉州府志

卷之六十

國朝篤行

七十八

諸生康熙庚子歲貢色養二人先意承志父患血疾衣  
不解帶凡歷數月及病篤禱天求以身代父病旋瘳時  
後園槐樹產雞冠花人嘆其異友愛二弟卯翼備至卽  
從兄弟亦爲均衣食授室家祖伯叔懸櫬悉爲營葬處  
里黨雍睦常爲人排難解紛濟危扶傾如其自急病者  
給方施藥一無所吝庚寅歲荒有求必勉力以應仍捐  
西坤產地數頃以爲義塚鄉人賴之

○黃育茹字愧茅號蔓澣晉江人康熙庚子舉人以兄煥  
彰薦發禮部主客司學習旋調儀制司盡心効事以勞

成疾卒於京邸年四十七育茹幼有文名舉業之外兼精書畫篆刻歌曲篤於至性嘗遇舉家病疫手治湯藥累日夜目不交睫疫獨不侵季弟出爲人後不忍分析肱被無閒郡中脩文廟共推董事飭工庀材公而能察方膺薦拔未竟其用賚志以沒士論惜之

節陳林邨撰誌

○陳覺世字莘志號篤軒安溪人居晉江遷鶴孫萬寶子少質遲鈍讀書日不能數行成童後豁然有得出語輒驚人弱冠爲諸生旋食餼雍正甲辰舉人天性孝友敦厚父自京病歸逾年祖亦旋里覺世侍父湯藥兼脩祖

泉州府志

卷之六十

國朝篤行

七十九

父甘旨歷歲月匪懈母晚病瘋坐起需人扶掖覺世朝夕不離寢闈調護累歲居喪哭泣每至嘔血事季父如父待諸堂弟如同胞有無相通休戚共之對人寡言笑而實意相將然諾不爽庚寅歲大歉憫佃家飢困計租所入給以升斗多寡有差穀貴時常減價平賣鄉人稱德堂弟亮世司鐸閩縣覺世爲備資斧趣偕上春官是科亮世登第選庶常年五十二卒子興國雍正丙午舉人都察院都事

安溪志參陳林邨撰誌

○龔時璜字渭臣一字玉也晉江人少讀書通經撮史爲

詩古文詞自出機杼播遷後遊粵東爲人治筆札藉得  
養親時道路阻塞歲積鏹弗能達輒募健兒越山谷間  
道或經重洋日本轉帆鷺江以至家甘旨常繼在吳門  
一日心動亟馳歸值父病亟得親含殮兵燹後嗣母及  
伯兄咸散失閒關粵中各求得之自高曾以下購塋營  
葬心力交瘁異母弟漂泊姑蘇召至粵爲娶室生子叔  
永登癸巳恩科鄉薦族叔某以尙籓事株連破家謫塞  
外時璜攜資走萬里爲營救卒翊護以歸族中婚喪戚  
友緩急多賴其助家產自此中落平生遊燕趙齊魯吳

泉州府志

卷之六十

國朝篤行

八十

楚甌越足跡幾遍而於粵尤久四方大吏爭敬禮之泉  
士大夫亦相推重孝友之稱郡邑無閒言云吳中東粵  
及泉中諸名公俱爲之傳並贈以詩

○陳茂煥王宏基俱晉江人二人聯爲兄弟誼同骨肉合  
爨同居死則聯墳累傳至曾孫陳允明王時楷等確守  
先規不替囊昨無稽彼此分給吉凶同患兩姓維均庭  
無詬誶之聲門有雍和之氣於今六世繼繼繩繩時楷  
孫王鳴鳳以乾隆丁卯鄉薦邑令胡恪贈額曰德邁江  
州曰異姓天顯世有同室操戈者可以愧矣



○陳大田字九二晉江人父廟謨以明經官閩清訓導卒於任大田未弱冠失恃事繼母以孝聞爲諸生家無餘貲積學授徒以贍兄弟無異言卒年八十二子高翔雍正稿

舊稿

○蔡錫蕃字康齋宋儒西山先生之裔先世居同安西圃後徙鶴山遂爲南安人少有至性多智畧時值瀕洞嘗託戎行保家且以濟人活物爲念視力所及而爲之鄉閭賴焉事平歸家孝養父母先志以承兄錫元早沒諸孤藐錫蕃教育不異己子晚年季子廷魁克自樹立乃

泉州府志

卷之六十

國朝篤行

八十一

建祠宇構家塾置義田俾族姓肆力絃誦冠婚喪祭皆有所資年八十五卒以子廷魁貴

贈奉直大夫晉贈朝議大夫刑部湖廣司郎中宗伯蔡世

遠誌其墓稱其爲善有後云

雍正舊稿

○盧仕耀字俞廷惠安人事親以孝課子以嚴族黨無閒言崇禎辛巳其鄉染疫耀延醫施藥調治存活甚多繼復捐貲助喪葬鄉人德之有商人遺金數十耀守待不至追五十里許還之失者將共分焉力辭不受年六十

九卒以子易貴

贈朝議大夫廣東提學僉事

惠安志稿

○鄧熾字夏明安溪來蘇里人爲諸生沈毅好學敦本尚實幼從其父孕傑受六經博綜三禮尤篤孝友有弟居德化每歲時必相就把袂言歡累月乃歸課子孫有法年七十餘舉鄉飲大賓子啓元以經學名於時雍正丁未第二人及第

○李鍾寧字世元號懷亭安溪人日燦孫弱冠補弟子員未及壯由選拔貢於京師例得以教習授縣令職因念祖父母耄父母亦將及耆迫於歸養不願畱歸八年間四遭大故竭力營治悉軌於禮友愛庶弟分產惟均終

泉州府志

卷之六十

國朝篤行

八十二

老無隙然諾不苟有言必酬遇事能斷解紛拯困者比比也以孫玉鳴貴 贈朝議大夫禮部祠祭司員外郎累 贈中憲大夫湖廣道監察御史

安溪志

○陳世挺同安人基虞曾孫少孤母周氏鞠之成立母捐租十石爲外祖母養贍資挺代輸賦終身無閒言伯父負貸二百餘金爲債家所迫挺傾家代還不求償

同安志

○黃士敬同安浯洲人訓導傑元孫侍父疾數月無怠禱以身代事繼母能得其歡延師課弟紘聖遇夜寒深更必攜酒脯往勞之用得蜚聲鬢序

同安志

○林德謙同安人和易質樸建祠睦族友愛無閒自臺灣移親柩歸葬遇風幾覆德謙號泣愴慟竟反風無恙施櫛卹貧捐贖難民孫全子鄉人義之同安志

○陳于荃同安人少孤篤志勵行以孝弟聞年三十四喪偶義不再娶茹淡食貧課子姪以詩文自娛同安志

○莊肇基同安人性孝友有德量推恩不吝鄉邦稱之以賓舉同安志

○陳世垌字克浚晉江人監生考職州同生九月而孤事母盡孝稍長以不及事父爲憾復廬墓三年郡南沿塘

泉州府志

卷之六十

國朝篤行

八十三

四十餘里水淺岸低邑紳海壇鎮張天福捐千金濬築之令世垌董其事竭力贊成復命其子諸生士鈞捐田十石助脩南安學宮捐田租七百觔稅銀二錢五分助脩晉江學宮捐田租三百五十觔脩理府學柵欄雍正八年晉邑令胡格詳請獎勵

○林贊育同安人少失怙事母不違母歿值亂不得營葬撫柩慟哭至忘寢食祖父母墳以道遠年久失故處跋涉尋得之負骸百里外不避艱危以歸同安志

○江爾緯同安人事親生事葬祭皆盡誠事兄如父及兄

與姪相繼沒撫其姪婦姪孫益加意爰克成立同安志

○黃其宗字子明號質菴惠安人弱冠有文名從學者多脫穎登科其宗踰五十始入惠庠生平篤親睦族與人交然諾必踐胸無城府子瑤觀乾隆丙辰進士安邱知縣

○余應光字伯謙一字子占號耿園晉江人爲諸生補餼從學者不遠數百里屢滿戶外爲文一根理法經其指授輒斐然可觀誨人不專文藝尤以立身行己爲諄諄事父母先意承志菽水承歡友愛其弟怡怡無閒母多

泉州府志

卷之六十

國朝篤行

八十四

病晨夕侍奉操井臼滌溺器俱躬親之及娶妻始得代勞父病亟求醫藥小心扶持夜睫不交父歿哀毀逾常三年之內不御酒肉不處內室居母喪亦如之鄉人稱其孝益悲愴作詩志痛不減蓼莪之章編輯家乘改遷祖墳經營盡瘁太史金琢章贈額盛德堪師且爲之傳年七十一卒子漢章雍正乙卯舉人乾隆乙丑進士任榆社知縣生平無他師皆應光所教孫克家乾隆庚午舉人

○張鳳翥字伯安安溪感化里人歲貢生性孝友嘗售己

屋爲弟償私債仲兄歿膳嫂終身晚年旁及岐黃活人  
千百鄉人稱頌

安溪志

○莊咸澤晉江人延裕子際昌曾孫爲諸生少喪母事繼  
母林氏至孝外祖無出沒爲經理殯葬復請於父置業  
奉祀每歲祭掃不稍衰父假歸回朝卒于途奔赴扶櫬  
歸哭泣盡哀盡誠兄弟七人友愛無閒長兄及嫂繼歿  
撫其孤男女婚嫁無異己子族中有失所者推解不吝  
閉戶讀書恬淡自守絕無纖毫貴介氣乾隆元年年逾  
八十以

泉州府志

卷之六十

國朝篤行

八十五

覃恩給八品頂帶榮身制軍郝公贈以一鄉矜式扁額

○劉夢煜字質陽號敦行同安人性孝友事父母養志承  
歡親疾侍湯藥不懈與兄弟分產後所有財物仍聽二  
弟取用復傾貲爲弟援例入國學毫無岐視好學工詩  
文郡邑試屢冠軍前列而不能博一衿縉紳重其文行  
咸推許之年五十五卒子先登乾隆戊午舉人

○薛石山晉江人幼有至性父疾侍奉經年禱天願減算  
以益父壽及沒躬親營葬墜井中幾死結廬墓側哀泣  
悲號鄉民感動不敢戕墳父積學未遇抱其遺編呈請

表揚復捐建祠宇以祀列祖及其父祖墳爲行人經由孔道不惜重貲更移其路先靈獲安閔宗族澆漓作尊祖睦族歌赴祠中宣講多有化者太史李光燾爲序中書蔡大受跋之

○陳德英安溪人忠厚待物嘗被竊卽其鄉人也英佯爲不知俟其自去越數夜復來驚覺憐其困復厚施之且勸之曰凡盜由於貧貧生於惰當爲善後之計盜愧悔遂食力以致成家感其恩自白於衆邑令許封男舉應

鄉賓贈以額

安溪志

泉州府志

卷之六十

國朝篤行

八十六

○蕭元琛字懷博號獻園晉江人八歲喪母旣長事父及繼母得其歡心愛異母弟尤篤弟沒後撫姪猶子葺先墳建祠宇祭祀必豐喪葬維謹戚族隣里貧乏者推食解衣不稍吝爲人沉毅寡言遇是非侃侃無所回護郡邑長舉應鄉賓贈以耆德望隆達尊有二之額年八十四卒

○蔡必莢字仿廬晉江人屯留令慶旺孫慶旺年七十由福州教授調臺灣必莢隨祖之官抑搔扶持不稍懈值祖秩滿赴省送考未出港舟遭風擊碎祖孫同挾一板

板小計難兩全遂以板授祖自投水中隨浪奔騰忽結  
停船旋索緣之得甦見祖挾板漂泊哀號舟人救起萬  
死一生蓋孝感云平居事祖父母父母皆敬慎周至中  
年喪偶不再娶念二兄繼歿以遺產盡給孤姪自攜七  
歲子舌耕嶺北來往以担挑之左篋右兒所得脩脯仍  
分養寡嫂晚益閉戶攻苦授徒課子外不與外事所著  
有四書直解五經翼註仿廬詩草子式金乾隆庚午舉  
人

○侯文驥字元參號郁菴南安人少讀書知大義援例爲

泉州府志

卷之六十

國朝篤行

八十七

國子生祖父少遺貲竭力拮据以養二親祖父母歿喪  
葬獨肩不問諸伯叔鴈行七人已居三四弟早歿撫其  
孤如己子婚嫁以時數十年同居共爨無閒言盧川祖  
祠燬於兵火卜地古池飭材庀工獨力創築又命子廷  
選重建五世祖祠族黨有難必爲力解鄉隣以急告者  
厚施之遇喪事輒資以棺衾之費延師教子禮意有加  
凡文人學士過從者折節維謹其舊時師友益優渥無  
有失禮者年八十一卒族人議入祖祠合饗以報功焉  
○潘新圖字南仲南安人雍正壬子舉人屢躋春官爲人

敦孝友尚氣誼賓朋會晤從無疾聲厲色族中長幼皆遵其約束有相爭者輒與判解皆懾服隣里有競亦來取決數年中其鄉絕跡公庭人比之王彥方云

○徐時深字澄若號鞠何子南安人雍正壬子副榜乾隆辛酉舉人初爲文踈蕩有奇氣旣乃一準理法力求先正以挽時趨居母喪疏食水飲暮年餘形容枯槁每自外館歸輒寢處柩下三年不入室盡售田產以營葬壬戌會試下第後同志四五人囊皆空惟時深資斧尙可支持到家慨然曰得歸則共歸耳何忍一人獨歸顧所

泉州府志

卷之六十 國朝篤行

八十八

存只十五六金合糧均食卒同盡奈何會有邑人爲莘縣令將延師教子時深受聘獨留而以餘金盡分四五人且更支脩脯補不足其篤於友誼如此後歸里客於蘇學臯家病革使人白父昆弟爲急歸計學臯不忍其途中受風增病爲延醫及其父兄弟至病所問病者絡繹井竈無刻停竟不起卒年三十九

○陳徽疇字君範安溪在坊人歲貢生刻志積學老而靡倦生平言笑不苟動履悉歸準繩絕去聲華奔競之習以嚴正課督後生沐其教者多知名士

安溪志



○陳九府安溪人性孝友敦詩書以訓兒孫爲善於鄉足跡不履公庭年七十有五邑令每舉鄉賓不受子士雲曾孫命錫等列於庠

安溪志

○李琬安溪龍涓里諸生少孤事母盡孝曲意承歡母年九十餘卒哀毀如孺慕朞功同爨治家嚴肅長幼無敢踰閑鄉里有不檢者望而憚之卒年七十五

安溪志

○姚鳴玉安溪人爲諸生弱冠失怙恃未得兆營葬持齋禱祝遇祭祀必誠必敬弟壯年歿撫其遺孤如子族黨中周急排難人咸稱之卒年八十

安溪志

泉州府志

卷之六十

國朝篤行

八十九

○黃維儼安溪人敦孝友弟奏夫妻繼歿遺孤男女三人爲撫育嫁娶如己出復將己置田產均分之精岐黃術惟務濟人不求償邑令給扁獎之子錫命亦習醫求者盈門維儼年八十七錫命八十五父子雙壽

安溪志

○王世科字瀛士號德軒晉江監生事父母先意承志能得其歡父有貸金盈千未償臨歿猶以爲憾世科偕兄世傳竭力經營卒如數償之及兄歿事嫂維謹督諸姪讀書服賈咸克成立食指七百餘同居共爨無閒言脩先世祠宇置祀田族戚貧乏多所周濟郡邑凡有興建

隨力捐貲成之七首塘年久頽壞倡首脩整利賴無窮  
太守高公霏嘗贈額曰善行可風邑令于公從濂延爲  
介賓亦給以德紹彥方之扁沒後邑紳尤垂青爲之傳  
○黃侍溱字奕章安溪興二里人居家孝友處鄉敦厚鼓  
勵後學多受其益乾隆閒歲貢選授甌寧訓導子中必  
壬申 恩科舉人

○李遇時字黻侯號可齋安溪人日燦曾孫鍾寧子雍正  
乙卯舉人初相國光地假歸召子弟之秀者七人示以  
讀書行己之要遇時與焉命之賦詩應筆輒成精諸生

泉州府志

卷之六十

國朝篤行

九十

業每試必居前然不以自矜事母孝謹定省膳腆曲承  
其歡試郡城驟聞母訃兼程馳歸躡踊幾絕喪葬盡禮  
處兄弟旣翕無閒三子玉鳴先一科得雋至丙辰父子  
同上春官子遂登第爲主事遇時歸而督家僕治治務  
劈畫中窺以其贏資子于京邸居恆堂宇整飭園亭潔  
脩几杖書冊位置得宜每親知至樽酒談心七箸必潔  
蓋少壯爲佳子弟老爲賢父兄光前迪後日燦之子孫  
發科實自遇時父子始年七十八卒次子瑞珍乾隆戊  
午舉人玉鳴歷禮部郎中湖廣道監察御史以加級初

贈父朝議大夫累贈中憲大夫

○張正曜字世昭安溪人乾隆丙辰舉人父早喪家貧苦讀持躬雅飭赴部驗選未任而卒

○官翰琦字秀卿號淵齋安溪人朝京曾孫初應童子試錄第一踰冠餼於庠乾隆辛酉舉人壬戌會試明通榜翰琦幼孤及長戲母前如孺子遇噍讓卽長跪候氣和乃起事伯兄獻瑶如嚴師素有至性遇事激發後漸陶天良除積習甲子司教平和漳人士聞其來咸相賀學舍圯至輒新之戊辰改調鳳山以疾告歸半年疾甚歎曰脩短有命惟所學未成不能終事母夫人爲恨耳時獻瑶督學陝中家書入秦誠勿言病狀曰徒亂吾兄意見耳時時西望掩泣以不得見兄一訣而瞑卒年四十一

安溪志

○施楠字文楚號敦園晉江人父尙瑗康熙癸未武進士楠爲郡諸生篤學敦行事父母得其歡父歿殯葬盡哀盡誠嘗以事往臺灣時母年八十六病亟子孫咸危懼母微笑曰若勿憂吾三子素有孝行彼尙離膝下吾豈遽謝人間世俾抱憾終天乎越二日果瘞楠亦旋回歷

五載母年九十一始考終楠得與諸兄弟侍湯藥親含飯無疚於心歲癸酉大疫暮功親多染病楠周歷省視躬煎湯藥閱五月無閒晝夜或勸其少息曰自吾祖父視之皆子孫也吾安忍愒置之後病者多愈而疫亦不侵晚年遍走山麓爲父母求窀穸年幾七旬徒步往返七八十里連年累月子姪有欲代其勞者楠謂我不親歷於心終不安迨襄事旣竣而疾遂不起人以爲死於孝云年六十有九兄慶亦郡諸生著有爲山詩集節家誌

○何鼎鉉字義聲一字祖知號昂亭晉江人部主事秉忠

泉州府志

卷之六十

國朝篤行

九十二

次子乾隆壬申 恩科第八名舉人少讀經史卽了大義弱冠隨父任昭化值西師旁午運糧解餉十七日夜不離鞍馬軍需治辦及父卒於京萬里間關護喪歸家徒四壁撫諸妹及庶弟成立婚嫁以時三弟才曾臥病經年典鬻衣服購買參苓雖妻子日不再餐弗恤也才會臨歿泣曰兄愛弟如此死不恨矣遍走山麓營葬祖父母父母親戚貧乏者口約腹裁以周之族中公事見義勇爲遠代祖叔母貞烈吳氏賜地安葬子孫外徙山界莫識瑩域傾塌訪知契券流落某氏訟於官贖地重

脩得復故壟爲諸生三十餘載試皆冠軍前矛歷任太守延掌書院教席十五載遠近從學者屢滿戶外多掇科甲性豪邁亢直與文人老宿倡酬徃復日夜不倦家無擔石樽常不空每見當道於公所或講解書義不合或有關地方利弊則侃侃辯折了無迴護聞者咋舌凡游歷所至無不重其文章行誼意氣肝膽得雋後三上公車不遇以疾卒於家年六十五所著有詩古文辭制義若干卷

○杜士顯字道宋晉江嶺北人甫冠喪父力農供母時弟

泉州府志

卷之六十

國朝篤行

九十三

士理方三歲撫愛篤摯長爲娶婦同居合爨無閒言積三十餘年食指漸繁以所經營產業與弟均分寸絲顆粒無所私念父未歸土從堪輿師習青烏家言高巔絕壑足跡靡不到乃得吉兆襄葬事營構先祠宇後居室鄉之隣近貧困者周之道險者夷之傾貲無吝與人交無城府以理化爭終身未嘗至公庭有構訟者得其一言而解年六十二卒弟子理悲號哀哭欲致喪三年衆議格於服制乃止

○李象雲字汝天號慎軒晉江監生習舉業九試棘闈不

利課子治生事父母孝謹父年躋九十已見元孫象雲以七十孺慕晨昏定省扇枕溫衾猶時脩子職不廢終鮮兄弟待諸從如同胞合居共爨助其婚娶鄉族稱之年七十六卒子秉清歲貢

○黃文標字其卿一字孝思晉江人道泰子出繼長伯父道升爲國子生賦性淳樸年二十餘隨太史李鍾僑督學江西大小諸務皆倚爲經理財賄出入毫無所私及生父道泰令陽山趨庭相對張弛維宜父歿扶櫬南歸失足墜海中踰時不死人謂孝感至家凡父遺貲盡歸於弟一無所問居恆於福善禍淫之理信之最篤每談時事則曰某如此吉某如此凶切指以爲鑒戒蓋謹厚不雕能守其家訓者

○曹士馨字馥臣晉江人習舉業未就徃姑蘇事計然術聞沈歸愚德潛之名執贄拜爲師學詩文時德潛尙未第得士馨甚愛之凡手書墨蹟士馨所得最多爲人冲和慕義族戚以情告者多虛往實歸居蘇十五載泉人有行李困乏者不吝資助在蘇建會館在泉拓考棚以及修造橋梁匍救死喪皆隨力損貲以應之聞父疾歸

省侍湯藥未嘗刻離父歿喪葬必誠必信既免喪援例  
入監走謁德潛於京師遂遵例急公授詹事府主簿未  
銓聞母病馳歸而母已瘞妻則先歿數月矣奉倩神傷  
遂得瘋疾未幾卒年四十二

泉州府志卷之六十終

泉州府志

卷之六十

國朝篤行

九十五